

四庫全書

集部

欽定四庫全書

集部

古文苑卷四

一至四

詳校官內閣學士臣瑞保

助教臣常循覆勘

總校官知縣臣繆琪

校對官編修臣范來宗

謄錄監生臣李鳳丹

欽定四庫全書

集部八

古文苑

總集類

提要

臣等謹案古文苑二十一卷不著編輯者名氏書錄解題稱世傳孫洙巨源於佛寺經龕中得之唐人所藏所錄詩賦禋文自東周迄於南齊凡二百六十餘首皆詩傳文選所不載然所錄漢魏詩文多從藝文類聚初學記

刪節之本石鼓文亦與近本相同其真偽蓋莫得而明也南宋淳熙間韓元吉次為九卷至紹定間章樵為之注釋明成化壬寅福建巡按御史張世用為刊行之樵序稱有首尾殘缺者姑從舊編復取史冊所遺以補其數釐為二十卷又有禱賦十四首頌三首以其文多不全別為一卷附於書末共為二十一卷則已非經龕之舊本矣中間王融二詩題

為謝朓蓋因附見朓集而誤又文木賦出西
京襍記乃吳均所為見段成式酉陽襍俎亦
不能辨別則編錄未為精核至於柏梁一詩
顧炎武日知錄據所註姓名駁其依托錢曾
讀書敏求記則謂舊本但稱官位自樵增註
妄以其人實之因啟後人之疑又如宋玉鈞
賦娟淵誤作元洲曹夫人書官綿誤作官錦
皆傳寫之訛而註復強為之解王應麟困學

紀聞亦辨之則註釋亦不能無失然唐以前
散佚之文間賴是書以傳故前人多著於錄
亦過而存之之意歟據此書所題樵字升道
臨安人以朝奉郎知吳縣事成化杭州府志
則作昌化人知處州事宋詩紀事亦作昌化
人其號曰峒麓嘉定元年進士歷官知漣海
軍授朝散郎知處州益昌化即臨安屬縣此
書舉其郡名處州乃所終官此書則其知吳

縣時所註也乾隆四十五年九月恭校上

總纂官臣紀昀陸錫熊臣孫士毅

總校官臣陸費墀

--	--	--	--	--	--	--	--

古文苑序

古文苑者唐人所編史傳所不載文選所不錄之文也
歌詩賦頌書狀勅啓銘記雜文為體二十有一為篇二
百六十有四附入者七始於周宣石鼓文終於齊永明
之倡和上下一千三百年間世道之升降風俗之醇漓
政治之得失人才之高下於此而槩見之可謂萃衆作
之英華擅文人之巨偉也至別而觀之如岐陽蒐狩實
肇中興之美勒石紀功詞章渾厚足以補詩雅之遺佚

泗水碑銘鋪揚興王之盛叙功攷德表裏名實足以續
閔散之芳烈揚子雲倣虞作箴官箴王闕所以輔正心
術警戒幾微殆與聖賢盤盂几杖之銘爭光千古有國
家者宜保之以為龜鑑所謂傑然詩書之後詎容徒以
文章論哉世代淪逸遺文彫耗若昔賢所欲興致太學
以助講切之真蹟今既不可復得而浮磬之刻蔚宗之
注與隋唐藝文目錄所載諸家文集亦淪落十九莫可
尋訪千載而下學者得以想像細繹古人述作之懿者

猶幸佛書龕中之一編復出於人間而其中句讀聳牙
字畫竒古未有音釋加以傳錄舛訛讀者病之有聽古
樂恐卧之嘆樵學製吳門竊簿書期會之暇續以燈火
餘工玩味參訂或哀斷簡以足其文或較別集以證其
誤推原文意研覈事實為之訓註其有首尾殘缺義理
不屬者姑存舊編以俟度攷復取漢晉間文史冊之所
遺以補其數凡若干篇釐為二十卷將質諸博洽君子
以求是正焉紹定壬辰七月日朝奉郎知平江府吳縣

事武林章樵升道序

欽定四庫全書

古文苑卷一

宋 章樵 註

文

周宣王

石鼓文

周宣王狩于岐陽所刻石鼓文十篇近世薛尚功鄭樵各為之音釋王厚之攷

正而集錄之施宿又參以諸家之本訂以石鼓
籀文真刻壽梓于淮東倉司其辨證訓釋蓋亦
詳備按此編孫巨源得於僧寺佛書龕中以為
唐人所錄審爾則又在薛鄭之前二三十年矣
詳攷其文字畫音訓多與鄭本合豈鄭為音釋
時嘗得此本參校邪惟甲乙之次與薛鄭本俱

不同今合諸家之說併摘經傳語可為證者
載于下甲乙仍其舊以薛鄭之次附于左

避車既工避馬既同

避石本作踟薛音我工石本作荆
郭云籀文攻字蘇眉山石鼓詩亦

作攻按車攻詩毛氏
注攻堅也同齊也

避車既好避馬既駐

好石本作攻
駐鄭音竇今

作搗郭云忌是籀文
駒字駒北野良馬名

君子員員遯員旂

員石本作勳
說文員音云

益也遯鄭通作獵字員又音員君子指從獵諸臣員員
衆多而有禮義也獵獵旌旗搖動貌員旂當讀作懸旒
旌上贅旒詩
悠悠旆旌
麇鹿速速君子之求
麇北鹿速速疾行
貌田狩之所求 ○

酋弓茲呂寺

酋石本作俞郭云忌當作鹵鹵弓即庚弓
也薛作首鄭作酋周禮史弓利射侯與戈

弓薛作及呂古以字
同寺諸家皆作時字

避敵其孫

薛鄭皆作孫字施云以
碑本攻之字雖磨滅髣

第是時
字耶

其來趨

石本作趨二田亦反說
文行聲也一曰不行
觀趨施云薛鄭木
皆有此字碑

磨滅不
可辨

雙

鄭云今作雙未詳
音義石本有重文

即避即時鹿鹿趨趨

鄭云
避今

作致與禁禦之禦同
作趨鄭作趨直離文並無重文
薛

歐其撲來射

施本此
句在其

來函之下又連二射字於上
非與下我字不同來字上更有其字下無射字
避法云舊音我疑

其來函

薛作首鄭云函
亦作適即直字

既

施本無既字
避作避音

其獮蜀

施云王氏集
諸家釋音四

字皆不著宿得於北方及葉氏
本下三字甚明岐城石刻亦載

右一

薛作辛文
鄭作丙文

沂殿沔沔

王云沂音牽水名出扶風沂塚西北分涓殿
即也字見詛楚及秦斤下同郭氏讀如繫語

助也沔籀韻作泛音鄭云沔讀作綿蓋用沔字平聲以叶韻

丞叔淖淵

丞石本作惡鄭云丞字見

秦權郭云請如蒸進也詩南有嘉魚丞然單單王肅云丞衆也欵石本作是王云籀文及字借作被音文曰丞

被淖淵與尚書導荷澤被孟猪之被同義郭音彼淖淵水之深處也 鯁鯉處之君子淖之

鯁鯉皆魚名鯁鄭音鯁處鄭詩作居蓋取叶韻籀文鯁從寸今省作魚

瀉瀉又鯿其游

灇

灇鄭本云即漫以萬通作曼漫漫水之灇茫處也又通作有籀文省下同見詛楚文鯿今作鯿魚名所加

反游今作游下同灇薛作散字鄭云灇即蹠字相干反

滂魚鱮鱮其蓋氏鮮

滂从

水古文泊字今省水之淺處也步各反下同鄭云鱮音洛集韻云白色也薛作鱮字說文鱮盧各反魚名蓋鄭

也蓋亦作蓋讀與俎豆之俎同施云按說文側余反醢也氏典禮反按鱮即鱮字音歷的鱮白言泊中之魚鱮

嵒然潔白登之
於俎甚鮮也

黃涕其鯿又鱒又鯿

黃泊水濁而淺處
鄰云鯿即鯿字卑

連反郭云界即古卑字从魚从卑步佳反魚名薛作鯿
鱒鄭云今作鮒作音附郭云並呼反今從專錦鄭云鮒

音白其豆孔庶絜之夔夔

豆石本作胡郭云胡今作脰乞
及反博雅膜謂之脰鄭作豆字

絜郭云籀文絜字鄭云絜漢官反施網也
夔舊注田若反相如大人賦休夔奔走也
望望趨趨
郭

漑漑鄭云博或云即漑字

其魚佳可佳鯿佳鯿可呂
云籀文洋字鄭云音汗今作
漑漑鄭云博或云即漑字

橐之佳揚及柳
石鼓詩作
何以貫之

右二薛作戊文
鄭作甲文

施云十鼓中惟此完好無一字磨滅成文可讀然字多假借世既適遠不能盡知故義亦有不通處更俟博雅君子辨而釋之庶可補雅頌之亡逸

田車既安鑿○勒馬

按詩注輜車田獵驅逆之車取其輕捷也鑿郭云大么反轡首銅也

廣韻音條
綱頤銅鑄 ○衆既簡

簡選也
左驂旂旂右驂健健
詩駒驪是驂注

驂兩駢也車駕四馬在內兩馬謂之服在外兩馬謂之駢郭云旂旂反旌旗總名旂旂取其輕舉貌健居言

反滿雅驥驥馬黃脊或云紀偃反取其壯健貌
遯呂濟于原
遯讀作我濟升也原石本作遯古原

字下
遯戎陣止
施云鄭本戎字作戎下有陣止二字今攷碑本此闕非有磨滅戎世二字上下

相承不容有陣
世阼
鄭作阼云今作陸施云又宮車其止字於其間
疑為阼字薛作陟籀文

寫秀弓時射

宮車輦車也周禮輦車用於宮中秀與綉同綉弓戎弓也殺梁傳弓綉實實靶也戎

弓綉其質示武中有文言田狩之時宮車寫而不用戎弓時施於射方言發稅舍車也舍音寫史記秦每破措

侯寫放其宮室讀如卸

糜豕孔庶鹿雉兔

言所獲多品

其○又旗

是

作有旃鄭云今作紳

其○綉

鄭云今作奔或作走

直大

○鄭本有齒字在大字上音通古直字

也出谷亞

石本作亞經作惡蓋古字通用

○ ○ 果 ○

薛作界字鄭云

疑即思字碧落碑思作卑郭云思是臭字公者反大白澤也白澤獸名

執而勿射○庶趨

趨

說文即擊反動也郭云走也鄭云與趨同

君子迺樂

迺石本作迺薛作迺郭鄭云迺今作攸所

也按漢書地理志鄴水道同五行志彝倫迺叙皆古攸字

右三

薛作丙文
鄭作丁文

〇〇鑿車

鄭云人君乘車四馬鑿八鑿鈴象鸞鳥聲从鸞从金省按經史或作鸞左傳錫鸞和鈴詩

八鸞瑤瑤是也周禮王乘玉輅以封

參救真

〇參石本作蒺菟云說文呼骨反疾也薛作華字鄭云即拜

字救即參字並見義雲章真薛作真字鄭云即填字亦作鎮

〇弓孔碩彤矢〇〇按

形弓彤矢天子所以錫有功諸侯說文文侯之命从左傳甯武子所言彤弓一彤矢百是也毛氏注彤弓朱弓

也孔氏以彤弓為周禮之唐弓大弓碩大也或曰碩實也筋角膠木各得其所則弓體實

六轡驚駮

鄭云五到反讀若過諸家本並驚字上闕一字無重文

過駮孔庶廊置

搏搏

過諸家本皆作徒字駮鄭云今作馭廊薛作廊鄭云亦作廊或云即廊字諸家本置今作宣上闕一

字苑云宿本並不見
重文坡城刻本亦無
首車載行
首鄭云即首字詩所謂
輜車鸞鑣田狩之車也

載石本作甄籀文
載字行今作道字
○徒如章逢溼陰陽
逢古原字溼鄭
云今作濕通作

隰徒從也徒從整布如文章然原高陸也隰卑隰也
高低向背皆有陰陽公劉詩相其陰陽度其隰原
起

起六馬射之矧迂
鄭云起即趣字七走反詩蹶維起馬
郭云矧籀文族古作矧小異鄭云矧

與李商隱族字相近疑即族字借作矧耳迂今作徐六
馬天子所駕也趣趣然調和閑習射則矢鏃之發舒徐

不迫言皆合禮有
一發五犯之意
如虎獸鹿如○○○
鹿字諸本皆作
鹿獸猶禽謂搏

取之也四方有不順王命者禽芟而獸獮之如多賢
虎搏鹿不勞餘力上章有弓矢之錫得專征伐
多賢連

石本作謁鄭禽○○○
石木作謁鄭禽○○○
避兎允異
兎字薛本作鹿鄭本作
兎苑云碑磨滅不可辨

右四

薛作丁文鄭作戊
文言策命諸臣

○ ○ 淒淒霑霑雨

○ 淒

漢七西反亦作淒大田詩有淒淒
萋興雨祁祁毛氏注萋萋雲行貌

施本霑字上有天字鄭云霑亦零東山詩零雨其淒又
衛詩靈雨既零毛氏注靈善也淒今省作流下同見說

文 迄湧盪淑淑

盪石本作盈說文盈字薛同鄭作盈止
逃反淑鄭云今作淑私列反淑鄭云今

作滋郭
云濕

君子即涉

石本作葍施云即
涉字見義雲章

馬 ○ 淑 汧 澗

汧即
前章

所謂汧水澗即也字言君子將乘
馬涉水而歸汧水流泛不可以涉

泊泊淑淑 ○ ○ 舫舟

西 通

淑石本作淑鄭云今省作淑亦作萋舫符望反兩
舟並也西石本作鹵薛作恁字鄭作西云見尹彝

或作由通鄭云
即歸字或作選

○ ○ 自 廊

廊郭作廊籀文
鄭作郭或作廊 徒駿湯湯佳

舟行或陰或陽

賦即馭字見前注湯音傷湯湯衆多貌佳維通用衍籀文道字前言乘馬

以涉水漲不可次言並舟而歸路或悠長今徒馭衆多當維繫其舟遵道而行水北為陽南為陰或從水之陽

或從水之陰皆可歸也 極深巨戶 ○ 于水一方

叔薛作枝鄭云即楫字施云薛鄭本

呂下有戶碑本磨滅不可辨于水一方凡上文或陰或陽意也

勿 ○ ○ 止其奔其致

鄭云

敵今作禦 ○ ○ 其吏

施云古文事字見說文

右五

薛作壬文鄭作辛文言漁狩而歸

猷乍遼乍衡

籀文乍與作通遼古原字衡即連字

遒我駟除

遒石本作卷薛鄭作追字

鄭作遒字駟鄭云今作治字施云 帥攷

被 序

音序卯作阪音反

算

薛作隸音莽郭云恐是莽并草之相糾者居蚪為世反鄭本作算云今首文作莫或作草未當孰是

里

世石本作古施云世三十也文曰為三十里以三十為世書家謂之會意佛書謂之二合字書並蘇合反

非世字也
色即世字

微微

薛作微鄭云微未詳音義迫周迫薛作迺鄭云迺作倣周薛作畧字

鄭云同亦作罔
並音古網畧也

鼻薛作粟尚書粟作鼻與此相類說文省作鼻

柞棧其搬鄭

搬亦作槃
或作拔字

榕

說文讀作皓方庸庸薛作庸鄭云庸未詳老反薛作格字音義或云遯字諸本

無重
文

鳴亞箬

石本作響薛郭作籥文若字鄭作箬其琴石本作箏薛作華籥文若字鄭作箬

其琴石本作箏薛作華籥文若字鄭作箬

于為所斃

薛作憂鄭籃郭作盤云籥衡導首對樹合反今作夔籥籥文執字今省

孫

合薛鄭音合字鄭云疑即奮字音響施云碑本雖稍磨滅上從五字尚可辨非從今也又薛鄭本下有孫

字今碑本
無此字

右六

薛作庚文鄭作
乙文言除道

施云此鼓乃向傳師皇祐間所搜訪而得之者
每行末僅存四字自四字而上磨滅者傳師磨
去刻當時得之由故今所存皆斷續不成文
鄭樵乃以猷作原作導造我治除帥別序莫為
世里十六字為成辭蓋鄭所見乃遺
文之摹刻者不知真本未嘗相屬也

而師弓矢孔庶左驂滔滔

據文理而字上當有闕文施
云鄭本師字下有弓矢孔三

字左字下有驂
字今碑本磨滅

是裁

薛鄭本皆闕而不音施云按
說文古熾字與此相類下同

不具

奪

施云薛本有碑字闕
音碑本磨滅不可辨

後具肝

石本作音薛作
肝鄭作肝音吁
來其寫

矢

天石本作災施云恐是小大二字鍾鼎款識多此類薛作矢字鄭作矢字

具來樂天子來

施云鄭本于下有來字

嗣王始古我來

右七

薛作甲文鄭作壬文

叔

上音被見注

走驕驕

鄭音剗

馬麋

鄭云今省作薦

昏若

若石本作寐薛作奔鄭云

即若字古諾字從此

微

石本作檠施云微說文與微同薛作放音非也

雉立其一之

施云宿二

本下皆有止字按此本作之字

右八

薛作巳文鄭作庚文

施云此鼓最磨滅僅存十三字不復成文

避我水衡古導字下同見上注既平既止喜樹剝里天

子永寧

喜石木作黨與云而喜字薛作嘉施云說文喜字如此寫剝縮大則字寧與寧同大意言水既

疏導民可樹藝地可井界天子之心為之安寧喜樹二字未必連屬日佳丙申○○○施云宿本

丙申下二字尚可辨更俟攷之避其用衡馬既申敕肅肅駕申重也敕戒也肅肅

施本作康康駕石本作駱郭鄭音駕籀文按文駕字上闕一字左驂馱馱施云五到馱反馬怒也

馱扯女馱諸本無重文鄭音馱扯石本作馱施云說文識字與此相類薛郭鄭本並作扯字郭云子一

反摘也鄭云疑即捷字皆不翰郭云籀文翰霽薛作

摹本誤之也女通作汝公謂天余及如周石本作周施云說文害字鄭云周今

云恐是籀文字鄭云即黎字

周省作

右九

薛作乙文鄭作
癸文言除道

施云上下皆
磨滅不成文

吳人慈亟

王云吳通作虞鄭序曰吳人曰享社也享社
必狩以獻鮮馬沂水出于吳山故漁于沂而

狩于吳也施云其說恐未然慈亦作憐鄭云亟即亟字
吳山即吳岳也漢地理志右扶風沂縣注吳山在西北

文以為沂山沂
水出西北入渭

朝夕敬

○朝石本作朝薛作
敬字鄭云即朝字

載鹵載北

載石本作鄭見前注鹵
即西字鄭云見魯侯葬

勿奄勿伏

奄石本作臠鄭云見
盈和鐘通作掩伏石

本作鴨薛作戊
字鄭作伏字

卬而出

○鄭云卬即岳字或云卬
畢字碑已磨滅薛音之

○獻

○ 猷薛作猷字

鄭作猷字

○○○○○大祝○○○膏

膏薛作高按碧

落碑高字同此

○ ○ 執寧

執薛作執說文執與藝同鄭云亦作社即社字寧與寧同

逢卞孔闢

○ 籍丈同作闢見說文

鹿鹿

舊本鹿字在上今從諸家本下同

麋麋

夾韓

詩作麋鹿嘆嘆愚甫反毛氏曰嘆嘆然衆也

避○其鹿麋

麋鄭云即曠字見邠秋胤歌

天○○○○○求又○○○○○是○○○○○

○○

右十

薛作癸文鄭作己文

臨川王厚之順伯

右石鼓文周宣王之獵碣也唐自貞觀以來蘇勗李嗣真張懷瓘竇泉竇蒙徐浩咸以為史籀筆蹟虞世南歐陽詢褚遂良皆有墨妙之稱杜甫八分小篆歌叙歷代書亦厠之倉頡李斯之間其後韋應物韓愈稱述為尤詳至本朝歐陽修作集古錄始設三疑以韋韓之說為無所攷據後人因其疑而增廣之南渡之後有鄭樵者作釋音且為之序乃摘丞殿也二字以為見於秦斤秦權而指以為秦鼓偽劉詞臣馬

定國以宇文泰嘗蒐岐陽而指以為後周物嗚呼二
子固不足為石鼓重輕然近人稍有感其說者故予
不得不辨集古之一疑曰漢桓靈碑大書深刻磨滅
十八九自宣王至今為尤遠鼓文細而刻淺理豈得
存予謂碑刻之存亡係石質之美惡摹拓之多寡水
火風雨之及與不及不可以年祀久近論也且如詛
楚文刻於秦惠文王時去宣王為未遠而文細刻淺
過於石鼓遠甚由始出至近歲戕害所不及至無一

字磨滅者顏真卿干祿字刻於大厯九年顯暴於世
工人以為衣食業摹拓為多至開成四年纔六十六
載而遽已訛闕由是言之年紀久近不足推其存亡
無可疑者二疑以謂自漢以來博古之士略而不道
三疑以謂隋氏藏書最多獨無此刻予謂金石遺文
溷於瓦礫歷代湮沒而後世始顯者為多三代彝器
或得於近歲其制度精妙有馬融鄭玄所不知者又
詛楚文筆蹟高妙世人無復異論而歷秦漢以來數

千百年湮沉泉壤近歲始出於人間不可謂不稱於前人不錄於隋氏而指為近世偽物也予意此鼓之刻雖載於傳記而經歷代亂離散落草莽至唐之初文物稍盛好事者始加採錄乃復顯於世及觀蘇勗叙記尤喜予言之為得也則夫隋氏之不錄又無足疑者况唐之文籍視今為甚備而歷秦不敢為臆說自貞觀以來諸公之說若出一人固不特起於常韓也而韋應物又以為文王之鼓宣王刻詩言之如是

之詳當時無一人非之傳記必有可考者矣小篆之作本於大篆丞毆二字見於秦器固無害況丞字從山取山高奉丞之義著在說文字體宜然非始於秦也唐初去宇文周為甚近事語尚在於長老耳使文帝鑄功勒成以告萬世豈細事哉宜時人共知之況蘇勛之祖邳公綽用事於周文物號令悉出其手豈得其賢子孫乃不知其祖之所作者乎嗚呼三代石刻存於世者壇山吉日癸巳刻與此耳而吉日癸巳

無所攷據獨此鼓昔人稱說如是之詳觀其字畫奇古足以追想三代遺風而學者因可以知篆隸之所自出好異者又附會異說而詆訾之亦已甚矣其鼓有十因其石之自然粗有鼓形字刻於其旁石質堅頑類今人為碓磴者其初散在陳倉野中韓吏部為博士時請於祭酒欲以數橐駝輿致太學不從鄭餘慶始遷之鳳翔孔子廟經五代之亂又復散失本朝司馬池知鳳翔復輦至于府學之門廡下而亡其一

皇祐四年向傳師搜訪而足之大觀中歸于京師詔以金填其文以示貴重且絕摹拓之患初致之辟廱後移入保和殿靖康之末保和珍異北去或傳濟河遇大風重不可致者棄之中流今其存亡特未可知則拓本留於世者宜與法書並藏詎可輕議也哉紹興己卯歲予得此本於上庠喜而不寐手自裝治成帙因取薛尚功鄭樵二音參校同異并考覈字書而是正之書于帙之後其不知者姑兩存之以俟博洽

君子而質焉

按歐陽氏有石鼓三疑終則曰觀其字畫高妙非史籀不能作眉山蘇氏石鼓詩則曰勦勞至大不矜伐文武未遠猶忠厚又曰自從周襄更七國竟使秦人有九有登山刻石頌功烈後者無繼前無偶皆云皇帝巡囚國烹滅強暴救黔首合二公之詞觀之則石鼓為宣王時物不必多辯矣

秦惠文王

詛楚文

奉告巫咸文說者皆謂近世出於鳳翔府祈年觀基之下眉山蘇氏形之詩詠

亦以為然此編既云唐人所藏於佛書龕中得之則唐時此文已流傳於世惜無名士如韋應物韓退之輩題詠故其名不顯按巫咸在解州鹽池與古雍相遠盟石以告神或瘞於土或沈

於水皆當在本所如告久湫文得於朝那湫旁是也告巫咸文不應遠在古雍以是推之此石出於唐之前後復湮沒於祈年觀下至近代而復出理無可疑文多古字間有假借王厚之音釋頗詳今載于後

又

通作有以下字多假借

秦嗣王設

籀文設字後同

用吉玉宣

古宣字通作瑄壁六

寸曰瑄

璧使其宗祝邵馨布忠

篆文似作慙字又作慙王本作忠

告于不

顯大神巫咸

久湫本作不顯大沈久湫亞馳本作不顯大神亞馳久讀作故亞讀作烏按文王詩

有周不顯毛氏注甚顯也正與此不顯字同意或者假借為丕顯正不必然

呂古以

匹楚

王熊相之多臯

罪替

替昔

我先君豨

穆

公及楚成王是

讀作

寔繆

讀作戮左傳成公十一年戮力同心

力同心兩邦磐

古若字

壺

古壺字

絆

呂啟婚啟姻疹呂齊盟曰棗葉萬子孫母相為不利了檀

世世萬子孫母變也親即王作印不顯大神巫咸久湫本無不顯二字只作大沈

久湫亞駝本作不顯大神亞而質馬今楚王熊相康讀

庸回無道道淫失讀作甚讀作亂寘宣參古文競從讀

縱變輸讀作渝按春秋隱公六年鄭人來渝平左氏傳作渝公羊穀梁作輸二字蓋通用渝變也盟刺

內之刪籀文則蔬古文暴字周禮有司蔬虐不卓久湫本作刑戮姑通用

孚啟婦幽刺親久湫亞駝本作戕戚字漢戚伯著碑夏數古文親字承碑皆用此字法

拘圉其叔父寘者讀作諸下真室積棺之中外之副則冒

改久心不畏皇天上帝及不顯大神巫咸之光列烈威

神而兼佻倍十八世之詛盟率者諸侯之兵呂臨加我

欲剋伐我社稷伐威許劣反滅也我百枚姓求蔑灑古法

字皇天上帝及不顯大神巫咸之卹呂圭玉義義牲速

取梧古我字一作吾邊城新郢音皇及鄔王本作郟長救親梧我不穀

秋曰可今有通作又久湫亞馳本作又患興其衆張矜意王本作意

說文云滿也左傳以馮怒飾甲底兵奮士盛師呂偁王本

陵我敵邑不可億逞作佻云久湫亞馳本偁本梧我邊競詩作將欲復其睨肌迹唯

本作偁字當作偁

是秦邦之羸衆散賦羈

王本作鞮讀作鞮鞮也皮去毛曰鞮音俞刀鞮

師刀鞮也

棧輿禮使

上聲

介老將

去聲

之呂自救

久湫本字見

也

石鼓文及秦權鞞鞞輿言非戎器之備也介老謂一介之老言又非將帥之才也秦自謂不得已時遣一介

之老將也羸衆自救而已言不敢飾甲底兵以先伐楚也曰禮使者言楚與師之不以禮也 亦應學

古受字

皇天上帝及不顯大神巫咸之幾靈德賜亨

古克字

初

王本作制古制字久湫亞駝本

楚師

王本作楚楚云

亞駝本作師

日復略我邊城

敢

數楚王熊相之佞

倍

盟犯詛著

者諸

石章呂盟大神之威神

詛楚文有三皆出於近世初得告巫咸文於鳳翔東坡鳳翔八觀詩嘗紀其事舊在府廨徽皇時歸御府次得告大沈久湫文於渭時蔡挺帥平涼攜之以歸在南京蔡氏最後得告亞駝文於洛在洛陽劉忱家其詞則一惟質於神者隨號而異述秦穆公與楚成王相好及熊相倍十八世詛盟之罪以史記世家年表攷之秦自穆公十八世至惠文王與楚懷王同時從橫爭霸此詛為懷王也懷王十一年蘇秦

戰國策作李光

約從山東六國共攻秦楚懷王為從長至函谷關秦出兵擊之皆引而歸齊獨後今文曰熊相率諸侯之兵以臨加我是也後五年秦使張儀以商於之地六百里欺楚使絕齊懷王信之既與齊絕使一將軍西受封地秦倍約不與文又曰速取我邊城新郢及郢長親我不敢曰可是也懷王忿張儀之詐發兵攻秦文又曰今又悉興其衆以徧我邊境是也是歲秦遣庶長章拒楚文又曰禮使介老將之以自救是也此

文之作乃秦惠文王之後十二年楚懷王之十六年也明年春庶長章擊楚於丹陽虜其將屈匄又攻楚漢中取地六百里乃既詛之後史楚王無名相者或以相與商聲相近遂以熊相為威王熊商攷秦惠文王之立雖在楚威王二年然終威王之世秦楚未嘗以兵相加也或以楚自成王至頃襄王十八世遂以為頃襄王橫秦人之文自不應數楚之世況頃襄王立乃秦昭王九年歷惠文武王至昭王是時楚已微

弱非秦所畏不應有詛也或謂姓書以熊相為芊姓如熊相謀熊相祈熊相宜僚皆芊姓列國類不名其君故特稱其姓然亦未安相疑懷王名世家作槐年表作魏傳寫之誤也巫咸在解州鹽池西南久湫在安定郡即朝那湫也亞駝即呼沱河顧野王攷其地在靈丘竹書紀年穆公十一年取靈丘故亞駝自穆公以來為秦境也時卻鞫徧走羣望想不止三所今見於世者止此耳著諸石章或沉或瘞石處可礪圖

其久而存也趙德甫金石錄云張芸叟黃魯直皆有
釋文世必有存者偶未之見俟尋訪以校今昔之異
同云臨川王厚之順伯

秦始皇

嶧山刻石文

嶧音亦山在魯鄒縣爾雅嶧山純石相接構連屬而成山按史記秦

始皇二十六年初并天下自號曰皇帝二十八年東行郡縣上鄒嶧山遂上泰山封祀並渤海以東登之罘又作琅邪臺二十九年登之罘三十二年之碣石三十七年上會稽並刻石頌秦德凡七處史載其詞者五二十九年之罘又載東觀刻詞惟二十八年嶧山并之罘二刻石詞

不載豈偶遺佚抑有去取邪東南惟會稽尚存
石刻宋書竟陵王子良剋日登泰望山主簿范
雲以山上有始皇石刻文三句一韻又皆大篆
人多不識乃夜檢史記讀之明日登山覓僚皆
茫然不識雲讀如流
子良大悅以為上賓

皇帝立國維初在昔嗣世稱王

每三句為韻始皇十
三歲嗣位為秦王

討

伐亂逆威動四極武義直方戎臣奉詔

戎臣將帥總戎
之臣詔者天子

之命也

經時不久滅六暴強

三晉楚燕
齊六強國

二十有六年

句皆
四字

二十當合
為廿音入

上薦高號

兼并天下羣臣上
尊號遂稱皇帝

孝道顯明既獻

泰成

謂告成
于天

乃降專惠親巡遠方

史記載泰山文親巡
遠方黎民國朝大觀

中汝陽劉跋親至泰山絕頂見其碑模之以歸乃作親輒遠黎

登于嶧山羣臣從者咸

思攸長追念亂世分土建邦以開事理攻戰日作流血

於野自秦古始世無萬數阨及五帝莫能禁止迺今皇

帝壹家天下兵不復起

始皇罷侯置守以為自古莫及已及羣臣稱頌之詞往往若此

災害滅除黔首康定

史記秦更名民為黔首

利澤長久羣臣誦略

言功德隆盛羣臣莫能名言但誦其大略而已

刻此樂石

石之精堅堪為樂器者如泗濱浮磬之類

以著經紀

皇帝曰金石刻盡始皇帝所為也今襲號而金石刻

辭不稱始皇帝其於久遠也如後嗣為之者不稱成

功盛德丞相臣斯

李斯

臣去疾

馮去疾

御史大夫臣德昧

死言

秦尊君卑臣羣臣昧死而後言蔡邕獨斷曰漢承秦法羣臣上書皆言昧死

臣請具

刻詔書金石刻因明白矣臣冒死請制曰可

已上二世所刻

詞按史記二世東行郡縣李斯從到碣石並海南至會稽而盡刻始皇所刻石石旁著大臣從者名以章先帝成功盛德馮云云

古文苑卷一

欽定四庫全書

古文苑卷二

宋 章樵 註

賦

宋玉

按史楚襄王名橫懷王之子也周赧王十七年懷王拘留於秦襄王立宋玉者屈原弟子仕襄

王為大夫閉其師忠而放逐作詞九章以述其志今楚詞九辯是也此指賦雖體格不同俱非九辯比矣

笛賦

廣雅曰籥謂之笛有七孔詩簡兮左手執籥則笛之為樂器久矣或曰漢武帝時丘

仲始作笛其說曰羌人伐竹聞龍吟水中截竹吹之象其聲蓋羌笛也

余嘗觀於衡山之陽

衡山南岳也屬荊州

見竒篠異幹罕節間枝

一本作簡支

之叢生也

禹貢揚州厥貢篠簜孔安園注篠竹箭箬大竹

其處磅礴千

仞

旁唐言藍薄也八尺曰仞

絕谿凌阜隆崛萬丈磐石雙起丹水涌

其左醴泉流其右

丹水醴泉天地醇和之氣融液而成淮南陸形訓崑崙疏圃之池是謂丹

水又玄玉生醴泉

其陰則積雪凝霜霧露生焉

列仙傳凌陽子所謂沈灌之氣

其東則朱天皓日素朝明焉

朝霞之氣

其南則盛夏清微

一作微

春陽榮焉

正陽之氣

其西則涼風遊旋吸逮存焉

淪陰之氣吸逮言吸

聚而相推遠一作遠衡山之陽具天地陰陽之正氣故竹生其間枝幹特異

幹枝洞長

罕節間枝

空洞而長

桀出有良

一作有良工焉

名高師曠將為陽春北鄙白雪

之曲

師樂官也曠字子野晉平公時人陽春白雪曲名北鄙紂樂蕭殺之音北鄙白雪謂變殺聲為和聲

假塗南國至此山望其叢生見其異形曰命陪乘

曰與

陪乘副車也魯語士有陪乘

取其雄焉

淮南子曰師曠奏白雪之音而神物下降陽春白雪之曲

所謂郢中寡和者取其和暢潔白故云假塗南國而取其雄

宋意將送荆卿於易水

之上得其雌焉

荆軻為燕太子丹刺秦王至易水之上歌曰風蕭蕭兮易水寒壯士一去兮不

復還宋如意和之殺心蘊於中其聲悽切故得其雌二者皆托詞

於是乃使王爾公輸

之徒

二人古之巧思者公輸魯般也王爾見淮南子王爾無所錯其剗剛張衡西京賦命般爾之巧匠

合妙意角較手

一本作較敏手遂以為笛於是天旋少陰白日

西靡

當秋月少陰用事日暮凄慘之時

命嚴春使干子

兩人善音律者王褒洞簫賦師

襄嚴春不敵窳其巧兮浸淫叔子遠其類七畧有莊春漢避明帝諱易為嚴午子未詳

延長頸奮

玉手

叶韻合是指字古文傳寫誤

摘朱脣曜皓齒頰顏臻玉貌起吟

清商追流徵

晉歌曲也晉王嘉拾遺記師延奏清商流徵滌角之音紂曰享古逸樂非予可聽

歌伐檀

伐檀魏國之詩刺在位貪鄙

號孤子

孤子亦歌曲蓋伯奇中

吟詠者楚詞孤子墮而投淚

發久轉舒積鬱其為幽也甚乎懷永抱

絕喪夫天

婦人以夫為天

亡稚子織悲徵痛毒離肌傷腠理激

叫入青雲慷慨切窮士度曲羊腸坂楔歿振奔逸

新序趙簡

子上羊腸之坂羣臣皆徧袒推車鄴道元水經注羊腸
盤道三十六回笛聲委蛇如羊腸坂之車音忽然振揚

又如掉鞅而駿奔言曲而肆缺遊泆忘列絃節散而不
即缺字馮紳也左傳鞮鞻鞅鞻鞻

間作故武毅發沈憂結感人呵鷹揚叱太一鷹揚猛將
太一尊神

笛聲皆足聲淫淫以黯黯徒感反黯
黯悽慘也氣旁合而爭出歌

壯士之必往即易水
之歌悲猛勇乎飄疾麥秀漸漸兮鳥聲

草翼史記箕子過殷
瘞作麥招伯奇於源一作
涼陰伯奇
尹吉

甫子為後母所追申子于晉域
申生晉獻公太子為驪
姬所踏奔曲沃雅經而

死言笛聲悽慘夫奇曲雅樂所以禁淫也
錦繡黼黻所

以御暴也

雅曲以禁淫邪猶錦綉昭其文黼黻示其緝斷寓之身章所以禦暴非以為侈麗也

緝

則秦過是以檀弒刺鄭聲

檀弒古之知音者鄭聲淫蕩故刺之

周人傷北

里也

北里即北鄙之音紂為朝歌北鄙之音百姓不親天下畔之周人伐紂滅殷故傷之也劉向說苑子

路鼓瑟有北鄙之音孔子聞之曰先王之制音也奏中聲為中節流入于南不歸于北南者生育之鄉北者殺

伐之域昔舜造南風之聲其興也勃焉紂為北鄙之聲其廢也忽焉今由也無意乎先王之制而有亡國之聲

其能保七尺之身哉

亂曰願師古曰亂者理也摠理一賦之終也又見遂初賦注

芳林皓幹

有奇寶兮博人通明

謂師曠之倫

樂斯道兮般行瀾漫終不

老兮雙枝間麗貌甚好兮八音和調成稟受兮

製而為笛和諧

八音所以成此竹稟受之具金石絲竹匏土草木謂之
八音笛居其一惟聲中律呂故能諧衆音風俗通曰笛
滌也所以滌邪穢納之於雅正也
笛音一定諸絃歌皆從笛為正
善善不衰為世保一作

寶兮絕鄭之遺離南楚兮絕鄭國之淫聲離南楚美風
之夷域而之上國也

洋洋而暢茂兮論語關雎之亂洋洋乎嘉樂悠長俟賢
盈耳哉關雎周南正風

士兮鹿鳴萋萋思我友兮嘉樂雅樂也鹿鳴小安心隱
雅之詩燕嘉賓也

志可長久兮按史楚襄王立三十六年卒後又二十餘
年方有荆卿刺秦之事此賦果玉所作邪

大言賦中庸曰君子語大天下莫能載焉語小
天下莫能破焉此大言小言所由起也

楚之諸臣當君危國削之際不知戒懼方
且虛詞以相角恢諧以希賞亦可悲矣

楚襄王與唐勒景差宋玉

三人楚大夫差作切磋之磋

遊於陽雲之

臺

雲夢中高唐之臺言其高出雲之陽也

王曰能為寡人大言者上座

按文

大言字上合有賦字

王因喞曰操是太阿剝

一作戮

一世流血冲天

車不可以厲

喞叱咤聲也許既反太阿古之寶劍詩深則厲褰衣涉水也水至心曰厲

至唐

勒曰壯士憤

一作頓

兮絕天維北斗戾兮太山夷

淮南子共工與

顛項爭為帝不得怒而觸不周之山天維絕地柱折戾折也夷平也

至景差曰校士猛毅

臯陶嘻

周禮冬官釋人為臯陶鄭司農注臯陶鼓木也言勇壯之氣能使鼓木之聲亦振厲

大笑

至兮摧覆思

端門之觀闕也一作采思

鋸牙雲晞甚大

鋸牙言牙之鋸利似鋸其

大如雲淮南子云堯之時窳窳封豕鑿齒皆為民害三
猛獸也晞當作狝張協七命威封豕潰馮豕勾爪摧鋸

牙禪吐舌萬里唾一世至宋玉曰方地為車易坤為輿圓天為

蓋

晉天文志言天之家有蓋天謂天形如倚蓋

長劍耿耿

一作耿介

倚天外

一作之外

王曰未也王曰并吞四夷飲枯河海跋越九州無所容
止身大四塞愁不可長據地跫天迫不得仰

得一作能跫蹴也

小言賦

楚襄王既登陽雲之臺令一作命諸大夫景差唐勒宋玉

等並造

一作進

大言賦賦畢而宋玉受賞王曰此賦之迂

誕則極巨偉矣抑未備也且一陰一陽道之所貴

易繫辭一

陰一陽之謂道

小往大來剝復之類也

泰小往大來吉亨自剝復始也

是故卑

高相配而天地位

易繫辭卑高以陳貴賤位矣

三光並照則小大備

能高而不能下非兼道也能麓而不能細非妙工也然

則上坐者未足明賞賢人有能為小言賦者賜之雲夢

之田景差曰載氛埃兮乘剝塵

一作輪

體輕蚊翼形微蚤

鱗聿遑浮踊凌雲縱身經由鍼孔出入羅巾

聿遑迅疾也揚雄校

獵賦武辭聿皇凌雲掀張也相如傳飄飄有凌雲氣言奮身騰踊不過由鍼眼穿羅巾

飄妙翩綿

乍見乍混

平聲

唐勒曰析飛糠以為輿剖糝糟以為舟泛

然投乎杯水

莊子覆杯水于坳堂之上芥為之舟

淡若巨海之洪流巢

蚋皆以顧盼

蚋音芮蚊類而小皆眼也

附蠖蠖而遨遊

蠖蠖飛虫形微於蚋

寧

隱微以無準原存亡而不憂又曰館於蠅鬚宴于毫端

列子焦螟羣飛而集於蚊睫弗相觸也栖宿往來蚊弗覺也

烹虱脰切蠨肝

莊子鼠肝蟲臂

言其至微眇也

會九族而同躋猶委餘而不殫宋玉曰無內之

中

楚詞其小無內其大無垠

微物潛生比之無象言之無名蒙蒙

一作

夢滅景昧昧遺形超於太虛之域出於未兆之庭織於

毳末之微蔑陋於茸毛之方生視之則渺渺望之則冥

冥離朱為之歎悶

列子離朱子羽方晝拭背揚眉而望之弗見其形即離婁古之明目者

神明不能察其情二子之言磊磊皆不小何如此之為

精王曰善賜以雲夢之田

雲夢楚之澤上曰雲下曰夢書雲土夢作又

諷賦

白虎通諫有五一曰諷諷諷也者謂君父有闕而難言之或託興詩賦以見乎詞或

假借他事以陳其意冀有所悟而遷於善楚襄王好女色宋玉以此賦之其詞麗以淫謂之勸

也可

楚襄王時宋玉休歸

以休沐歸私家又謂之告假

唐勒讒之於王曰

玉為人身體容冶

易治容
誨淫

口多微詞出愛主人之女

愛謂

私好也容
舍之主人

入事大王願王疏之玉休還王謂玉為人身

體容冶口多微詞出愛主人之女入事寡人不亦薄乎

玉曰臣身體容冶受之二親口多微詞聞之聖人臣嘗

出行僕飢馬疲正值主人門開主人翁出嫗又到市獨

有主人女在女欲置臣堂上太高堂下太卑

穀梁子曰
於廟則已

尊於寢
則已卑乃更於蘭房之室

一作芝室家語與善
人居如入芝蘭之室

止臣其

中中有鳴琴焉

琴瑟所以通意合
好詩琴瑟友之

臣援而鼓之為幽蘭

白雪之曲

曲名取潔白之中芬
芳悅人以挑女也

主人之女翳承日之華

披翠雲之裘

輯翠羽
為裘

更被白縠之單衫

詩所謂衣
錦裝衣

垂珠

步搖

首飾名行則動搖故
謂之步搖以珠飾之

來排臣戶曰上客日高無乃

飢乎為臣炊彫胡之飯

西京雜記顧期母好食彫胡飯
菰之有米者長安人謂為彫胡

烹露葵之羹來勸臣食以其翡翠之釵挂臣冠纓臣不

忍仰視為臣歌曰歲將暮兮日已寒

女自謂盛
年易邁

中心亂

兮勿多言臣復援琴而鼓之為秋竹積雪之曲

曲名取
堅貞之

節不為物移
以自况也

主人之女又為臣歌曰內怵惕兮祖玉牀

橫自陳兮君之傍君不御兮妾誰怨平聲日將至兮下黃

泉玉曰吾寧殺人之父孤人之子誠不忍愛主人之女

王曰止止寡人於此時亦何能已也

釣賦

詩曰其釣維何繼繼伊緡論語曰子釣而不網釣者施綸於竿垂餌以取魚也

宋玉與登徒子

登徒姓也子者男子之稱假設為名猶言升諸其徒之上也

偕受釣

於玄洲

玄妙也洲水邊洲渚言精於釣故託玄洲為名

止而

止猶已

並見於楚襄

王登徒子曰夫玄洲天下之善釣者也願王觀焉王曰

其善奈何登徒子對曰夫玄洲釣也以三尋之竿八絲

之線餌若蛆蟻鈎如細鍼

與針同

以出三赤之魚於數仞

之水中豈可謂無術乎夫玄洲芳水餌挂繳鈎其意不

可得退而牽行下觸清泥上則波颺玄洲因水勢而施

之

一作枝

頡之頡之委縱收歛與魚沉浮及其解弛因而

獲之襄王曰善宋玉進曰今察玄洲之鈎未可謂能持

竿也又烏足為大王言乎王曰子之所謂善鈎者何玉

曰臣所謂善鈎者其竿非竹其綸非絲其鈎非鍼其餌

非蟻也王曰願遂聞之宋玉對曰昔堯舜禹湯之鈎也

以賢聖為竿道德為綸仁義為鈎祿利為餌四海為池
萬民為魚鈎道微矣非聖人其孰能察之王曰迅哉說
乎其鈎不可見也宋玉對曰其鈎易見王不能察爾昔
殷湯以七十里周文以百里興利除害天下歸之其餌
可謂芳矣南面而掌天下歷載數百到今不廢其綸可

謂紉矣羣生寢其澤民氓畏其罰其鈎可謂拘矣

拘音的引

也一本作善

功成而不墮名立而不改其竿可謂強矣若夫

竿折

賢林廢棄

綸絕

道德陵遲

餌墜

爵賞不足以勸天下

鈎決

仁義不足

波

涌魚失

天下潰亂人民離散失讀作佚

是則夏桀商紂不通夫釣術也

今察玄洲之釣也左挾魚罟

盛魚之罟也詩魚麗于罟

右執槁竿立

乎潢汙之涯倚乎楊柳之間精不離乎魚喙思不出乎

鮒編

二小魚名

形容枯槁神色憔悴

楚詞漁父篇行吟澤畔顏色憔悴形容枯槁

樂不役勤獲不當費斯乃水濱之役夫也已君王又何

稱焉王若見堯舜之洪竿

攬賢材以為用

據禹湯之脩綸

振道德以

經世投之於瀆視之於海

治國以平天下

漫漫羣生孰非吾有其

為大王之釣不亦樂乎

史記楚人有好以弱弓微繳加蹄鷹之上者襄王召而問之對

曰小臣之射何足為大王道也昔者三王弋以道德五伯弋以戰國王何不以聖賢為弓以勇士為繳時張而射之其樂非特朝夕之樂也其獲非特

舞賦

呂氏春秋曰昔陰康氏之始陰多滯伏湛積陽道壅塞不行其序民氣鬱閉筋骨宿

粟不達故作為舞以宣導之陰康氏三皇時君號

楚襄王既遊雲夢

雲夢澤詳見上

將置酒宴飲謂宋玉曰寡人

欲觴羣臣何以娛之玉曰臣聞激楚結風陽阿之舞

列女傳臆激楚之遺風上林賦馭郢鄢續紛激楚結風陽阿所謂郢中寡和者三者皆楚曲也

材人之

窮觀

窮極也

天下之至妙噫可進乎玉曰試為寡人賦之

玉曰唯唯爾乃鄭女出進二八徐侍

每以八人為一列二八十六人也左

傳鄭人以女樂二八賂晉侯楚詞二八齊客起鄭舞

起鄭舞

姣服極麗姁媮

音吁媮驕媚貌

致態

貌姣妙以妖冶

姣好也詩佼人姣兮音了

紅顏煜其揚華

詩顏如

眉

連娟以增繞

曲細而長

目流睇而橫波

精采而瑩

珠翠灼爍

以珠翠為

飾的爍鮮明貌

而照曜兮華袿飛髻而雜纖羅

袿衣之長帶也髻謂燕尾之屬

皆衣上裝飾纖細也羅之精者臂所交反袿音圭

顧形影自整裝順微風揮若

芳動朱唇紆清揚

眉目之間為清揚將歌則少飲詩清揚婉兮

而抗音高歌

為樂之方

宣歌曲之意

其始興也若俯若仰若來若往雍容

惆悵不可為象羅衣從

音

風長袖交橫駱驛

與駱驛同

飛散

颯沓合并綽約閑靡機迅體輕合場進案次而俟

分既

而合復更進而進
按曲之次以待

埒簇角妙夸容乃理

埒齊簇聚也齊
聚而競妙乃理

其夸媚
之容

軼態橫出現姿譎起迴身還入迫于急節

還音
旋曲

將終則其節急
舞趨曲之急節

紆形赴遠灌以摧折

曲折
有致纖縠蛾飛續

焱若絕

衣裳飛動如蛾飛而紛
焱起而連絕焱疾風也

如體如遊龍袖如素蛇

神女賦蛇若遊龍言其輕舉也
賦垂絳播之素蛇蛇雌虹也

吾結反

遷延微笑退復次

列舞終復觀者稱麗莫不怡悅

傳毅舞賦文選已載全
文唐人歐陽詢簡節其

詞編之藝文類聚此篇是也後人好事者以前有
楚襄宋玉相唯諾之詞遂指為玉所作其實非也

古文苑卷二

欽定四庫全書

古文苑卷三

宋 章樵 註

賦

賈誼

旱雲賦

在易坎為水其蘊蒸而上升則為雲溶液而下施則為雨故乾之雲行雨施陰

陽和暢也屯之密雲不雨陰陽不和也在人則君臣合德而澤加於民亦猶陰陽和暢而澤被於物賈誼負超世之才文帝將大用之乃為大臣絳灌等所阻卒棄不用而世不被其澤故託旱雲以寓其意焉

惟昊天之大旱兮失精和之正理

爾雅夏曰昊天精純和合乃天地綱緼之

常今則反之所謂失其正理也

遙望白雲之蓬勃兮滄澹澹而妄止

雲興

而不雨則雲為妄出矣

運淖濁之瀕洞兮

瀕胡動反瀕洞涵湧也

正重沓而

並起嵬隆崇以崔巍兮時彷彿而有似屈卷輪而中天

兮象虎驚與龍駭相搏據而俱興兮妄倚儷而時有遂

積聚而給沓兮相紛薄而慷慨若飛翔之從橫兮陽波

怒而澎湃

陽侯大波神

正帷布而雷動兮相擊衝而破碎或

窈窕而四塞兮誠若雨而不墜

言白雲之狀變態不常若將雨而雨終不降

陰陽分而不相得兮更惟貪邪而狼戾

陰陽乖睽而不合在位者又為

貪邪狼戾之政以干之何以感召天地之和

終風解而霰散兮陵遲而堵潰

毛氏詩注終日風為終風雲為風解而消散如陵之隳如墻之潰

或深潛而閉藏兮爭

離而並逝

以雲自況寓意尤深

廓蕩蕩其若滌兮日炘炘而無穢

鄭氏說禮引董仲舒日食祝云炘炘大明音照

隆盛暑而無聊兮煎砂石而爛

涓涓水枯竭

湯風至而含熱兮

湯風溫風也月令六節溫風至

羣生悶

滿而愁憤畎畝枯槁而失澤兮壤石相聚而為害

雨既不至

壤石為風日所暴皆能吸畎畝之滋潤以害苗

農夫垂拱而無聊兮釋其鉏耨

而下淚憂疆

一作壤

畔之遇害兮痛皇天之靡惠惜稚稼

之旱天兮離天灾而不遂

離與罹同遭也

懷怨心而不已兮竊

託咎於在位

書儲恒暘若京房易傳曰欲德不用茲謂張其旱陰雲不雨變而赤因而除

獨

不聞唐虞之積烈兮與三代之風氣

唐虞三代之時雖不能無水旱君臣

上下相與敬戒飭躬修政足以召天地之和

時俗殊而不還兮恐功久而壞

敗何操行之不德兮政治失中而違節陰氣辟而留滯

兮獸暴至而沈沒嗟乎惜旱大劇何辜於天無恩澤忍

兮嗇夫何寡德矣

嗇夫田畷之神也祈年則樂田畷既已暖忍旱不救可謂薄德怨詞也

生之不與福矣來何暴也去何躁也孽孽望之其一作甚

可悼也憭兮慄兮以鬱怫兮念思白雲腸如結兮終怨

不雨甚不仁兮布而不下甚不信兮白雲何怨奈何人

兮

天寔為之
人其奈何

董仲舒

士不遇賦

涑水司馬氏曰漢景帝時栗太子廢其次河間獻王最長若屬重器帝王

之治可以復還仲舒醇儒道必遇合景帝舍德立徹蓋天意也武帝好名亡實仲舒卒為公孫弘所嫉擯棄而死何足深怪陶淵明作感士不遇賦其序曰昔董仲舒作士不遇賦司馬子長

又為之余嘗讀其文慨然惆悵君子合三子而評之子長文文之靡耳尊顯富貴何謂不遇邪

嗟乎嗟乎遐哉邈矣時來曷遲去之速矣屈意從人非

吾徒矣正身俟時將就木矣

難於遇合將老而死木棺也左傳則就木焉 悠

悠偕時豈能覺矣心之憂歎不期祿矣皇皇匪寧抵增

辱矣努力觸藩徒摧角矣

易大壯羝羊觸藩羸其角

不出戶庭庶無

過矣

易節卦不出戶庭無咎

重曰

前意未暢重述而鋪衍之故曰重

生不丁三代

之盛隆兮而丁三季之末俗以辨詐而期通兮貞士耿

介而自束雖日三省於吾身兮繇

繇與懷進退之惟谷猶同

懷進退之惟谷

詩桑柔人亦有言進退維谷毛氏注谷窮也

彼實繁之有徒兮指其白而為

黑目信媠而言眇兮口信辨而言訥

言變亂是非邪正媠音互好也楚辨

媠目宜笑眇目失明也易眇能視辨辨二字古通用上同訥拙於言也

鬼神不能正人事

之變戾兮聖賢亦不能開愚夫之違惑出門則不可以

偕往兮藏器又蚩其不容

易出門同人又君子藏器於身待時而動蚩與嗤同

退

洗心而內訟兮亦未知其所從也

易洗心退藏論語而內自訟伸前意進退

惟觀上古之清濁

一作暉

兮庶士亦榮榮而靡歸

清濁猶言治亂

也世雖有治亂之不同庶士常獨立而不遇

殷湯有卞隨與務光兮周武有

伯夷與叔齊卞隨務光遁跡於深淵兮伯夷叔齊登山

而采薇使彼聖人其繇周遑兮矧舉世而同迷若伍員

與屈原兮固亦無所復顧

隨光非湯伐桀自沈于瀘水
夷齊耻食周粟采薇首陽山

下四子聖智生殷周盛時猶不遇若此況其
他乎若子胥浮江屈原投汨尚何所復顧耶亦不能同

彼數子兮將遠遊而終慕

今不能同數子之殺身
將去國遠遊心常慕之

於吾

儕之云遠兮疑

一作懼

荒塗而難踐憚君子之于行兮誠

三日而不飯

吾之儕輩乃謂古人既遠此道以荒懼不
能踐戒其疾行易君子于行三日不食

嗟天下之偕違兮悵無與之偕返孰若返身於素業兮

莫隨世而輪轉雖矯情而獲百利兮復不如正心而歸

一善

世之趨利者皆自謂當然故甘心為之使真知其為矯情則不肯為矣仲舒有言仁人者正其誼不

謀其利明其道不計其功蓋平日持論堅定若此

紛既迫而後動兮豈云稟性

之惟福昭同人而大有兮明謙光而務展遵幽昧於默足兮豈舒采而靳顯苟肝膽之可同兮奚鬚髮之足辨

也

索於形骸之內不求於形骸之外

枚乘

字叔淮陰人也從孝王游梁客皆善屬詞賦乘尤高

梁王菟園賦

梁孝王武漢文帝子景帝之母弟也竇太后少子愛之賞賜不可勝

道孝王築東苑方三百里為複道自宮連屬於
平臺二十餘里苑園苑名左傳魯有苑裘衛有

苑圃皆地

名音徒

脩竹擅樂夾池水

西京雜記梁孝王築苑園園中有百
靈山落猿岩棲龍岫又有鴈池池間

有鶴洲鳧渚九域志睢陽郡有梁孝王東
苑中有脩竹園恐是後人因此賦以命名
旋苑園並馳

道

所謂複道自宮連屬
平臺並音傍蒲浪反

臨廣衍長冗坂故徑

一作

於崑

崑狼觀相物

狼音壑狼觀猶博觀也班固燕
然銘復其懇兮與此狼同意

坊焉子有

滋有言物之多子當作滋漢人以
箕子之明夷為茲滋則滋子字通
似乎西山

依山置園
故以西山

比崑崙言舊嘗經行
崑崙之山睹物蕃盛

西山隄隄邱

一作

焉隄隄巷露婁

窈

隄玉表反隄隄企立貌隄即鬼字吾回反隄隄高峻貌窈窕路即巷路字山間之蹊徑也窈窕即委蛇字徑

之曲折也

崙巖崙崙崙

崙音崙崙疑是崙字崙即空反

狀

暴熇激

熇與焱同音標月令焱風暴雨怒至注回風回焱

揚塵埃蛇龍奏林

薄竹

奏奔走也詩子曰有奔走薄音泊林薄叢薄也怒風卒發塵埃隱翳有若龍蛇之奔走者徐而察之

則林薄之竹也

遊風踊焉秋風揚焉蒲庶庶焉紛紛紜紜騰踊

雲亂枝葉翬散摩來幡幡焉

幡與番同音波爾雅番番矯矯勇也暴熇既息微風

遊旋林木披拂其狀不齊

谿谷砂石洄波沸日浚浸疾東

溪谷之水疾趨而東

浚流水也浸水所瀦也字本作浚

流連焉鞞鞞陰發緒菲菲

既至平行復流連焉

徐行轉轉其紋非非

閤閤

擾鳥聲之雜

昆雞蜈蛙

音題決一音第桂字本作題鴉或作

規鳥也

倉庚密切

亦鳥名

別鳥相離哀鳴其中

家語恒山之鳥與四

子別其鳴甚哀

若乃附巢蹇鷺之傳於列樹也攏攏若飛雪之

重弗麗也

附巢蹇鷺皆水鳥鷗鷺之屬攏攏所宜切攏攏多貌鳥色白若飛雪集樹而弗麗者麗是附

麗之麗

西望西山山鵲野鳩

一作鷄

白鷺鶻桐鸕鷀鷓鴣鷓鴣

翠鳩鴝守狗戴勝

皆鳥名守狗聲似呼盧戴勝降於桑以為蚕候

巢枝穴藏

鴝

穴土而生春秋書鴝鴝未巢紀異也

被塘臨谷聲音相聞喙尾離屬翺翔

羣熙交頸接翼闌而未至徐飛邈邈

音颺

往來霞水

闌

飛也言往來煙霞水雲之間

離散而沒合疾疾紛紛若塵埃之間白

雲也子之幽冥究之乎無端於是晚春早夏邯鄲襄國

易陽之容麗人

三縣皆屬趙國易陽在易水之陽其地多美女

及其燕飾子

燕安

而華飾謂富貴子

相子雜還而往款焉車馬接軫相屬方輪錯

轂

方輪並車錯轂雜行也

接服何驂披銜跡蹶

馬在車中為服在車外為驂詩兩服

上裏兩驂馬行何驂謂何人之驂忽披銜而蹄蹶

自奮增絕怵惕騰躍水意而

未發因更陰逐心相秩奔

一作奮又奔

隧林臨河怒氣未竭

馬蹶而奮徑林奔水猶有怒氣

羽蓋繇起被以紅沫濛濛若雨委雪

舍車

馬而步游因用羽蓋紅高冠扁馬長劍閑馬左挾彈馬
沫蓋上飾蒙蒙紛雜貌

右執鞭馬日移樂裏遊觀西園之芝芝成宮闕
東西苑相屬名

為苑園有芝層生枝葉榮茂選擇純熟挈取含苴
苴與咀通

擇芝之軟脆復取其次顧賜從者於是從安步鬪鷄走
者以自含苴

兔俛仰釣射煎熬炮炙極樂到暮若乃夫郊猶農郊也采桑

之婦人兮袿裼錯紆連袖方路摩眈長髮眈音移音澤也長音仗髮

即髮字謂加便娟數顧芳溫往來接此句疑多來字神連未結

已諾不分所謂色授神予者縹併進靖儻笑連便儻音頻與顰同眉小蹙也

或儻或笑
姿態便媚

不可忍視也於是婦人先稱曰春陽生兮萋

萋不才子兮心哀

不才子泄語也
猶言不接男子

見嘉客兮不能歸桑

姜蠶饑中人望奈何

乘有一書諫吳王濞通亮正直非
詞人比是時梁王宮室踰制出入

警蹕使乘果為此賦必有以規警之詞觀其詞始言苑
圃之廣中言林木禽鳥之富繼以士女游觀之樂而終
之以郊上采桑之婦人畧無一語及王氣象蕭索蓋王
薨乘死後其子臯所為隨所睹而筆之史言臯詆笑類
俳倡為賦疾而不工後
人傳寫誤以為乘耳

忘憂館柳賦

梁孝王游於忘憂之館集諸遊士各使為賦枚乘柳賦

路喬如鶴賦公孫詭文鹿賦鄒陽酒賦公孫乘月賦

羊勝屏風賦韓安國作几賦不成鄒陽代作鄒陽安

國罰酒三升賜枚乘路喬如絹人五疋

出葛洪西京雜記

忘

憂之館垂條之木枝逶遲而含紫葉萋萋而吐綠出

入風雲去來羽族既上下而好音亦黃衣而絳足

黃鸝

亦名黃鸝 蜩蟬屬嚮蜘蛛吐絲階草漠漠白日遲遲于嗟

細柳流亂輕絲君王淵穆其度御羣英而翫之小臣

瞽瞍與此陳詞

君王指梁王羣英謂諸遊士乘自稱無所聞見獲與其間與音預

于

嗟樂兮

詩鄭氏箋于嗟美之也

於是樽盈縹玉之酒

縹敷酒色

清白而輕黃也

爵獻金漿之醪

洪自注梁人作諸蔗酒名金漿

庶羞千族盈

滿六庖

詩大庖不盈注一曰乾豆二曰賓客三曰充君之庖又有面傷踐毛不成禽不獻者三故云六

庖弱絲清管與風霜而共雕鎗鏗啾啾蕭條寂寥

音絃音樂

屏棄不用如風霜之彫柳鎗鏗大音啾啾小音並寂然無聞

雋又英旌

與髦通

列襟睥

袍小臣莫効於鴻毛空銜鮮而嗽醪雖復河清海竭終

無增景於邊撩

自言非才莫知補報徒竊欲食縱使歷日滋久無益於國邊撩柳之邊稍也借

喻言細微之事

路喬如

鶴賦

白鳥朱冠鼓翼池干舉脩距而躍躍奮皓翅之戢戢

干乎

反飛
動貌

宛脩頸而顧步啄沙磧而相懼宜忘赤霄之上忽

池籩而盤桓

籩音圓臨池
編竹為之

飲清流而不舉食稻粱而未

安

鶴在池籩問志常欲高飛遠舉不甘
稻粱之食猶賢士不為祿養委身

故知野禽野性

未脫籠樊賴吾王之廣愛雖禽鳥兮抱恩方騰驥而鳴

舞憑朱檻而為歡

公孫乘

月賦

月出皦兮君子之光

以月之明比君子之德

鷓鷯舞於蘭渚蟋蟀

鳴於西堂

物遂其性天機自動天籟自鳴

君有禮樂我有衣裳

梁王宴樂羣士

衆賓從梁王遊各由其道不愆禮度

猗嗟明月當心而出隱員巖而似鈎

蔽脩堞而分鏡

譬君德壅蔽則其明必虧

既少進以增輝遂臨庭而

高映炎日匪明皓壁非淨

能進乎德其明乃全

躔度運行陰陽以

正

行度有常而寒暑不忒言行靡失而紀綱自定

文林辯囿小臣不佞

於羣英之中用

月進言自愧非材佞口
辨也論語仁而不佞

羊勝

屏風賦

周禮掌次設皇羽邛注皇羽
覆上邛後版也後版屏風

屏風鞞匝

鞞古洽反鞞
匝圍繞貌

蔽我君王重葩累繡沓壁連璋

飾以文錦映以流黃

流黃間色素也古相逢行
大婦織綺羅中婦織流黃

畫以古

烈顯顯昂昂

繪古賢烈士於上其威儀容貌
重高明詩顯顯昂昂如圭如璋

藩后宜

之壽考無疆

藩后謂諸侯王居藩屏之
任與上君王皆指梁王也

劉安

淮南厲王之子文
帝封為淮南王

屏風賦

因木有自然奇怪之形連合為屏風譬世有遺棄之材遭時見用

維茲屏風出自幽谷根深枝茂號為喬木孤生陋弱畏

金強族

木孤生之時其姿陋弱以能避斧斤之害故至高

大移根易土委伏溝瀆

飄飄殆危靡安措足思在蓬蒿林有樸樛然常無緣悲

愁酸毒天啓我心遭遇徵祿

徵祿猶收錄也祿音義與錄同

中郎繕理

收拾捐扑

扑與撲同木質也棄捐溝壑人所不顧中郎淮南之臣乃收錄之以成器用

大匠

攻之刻彫削斲表雖裂剝心質貞慤

猶用人當畧其外貌取其中心

化器類庇蔭尊屋列在左右近君頭足賴蒙成濟其恩

弘篤何恩施遇分好沾渥不逢仁人

安自謂及中郎也

永為枯

木

中山王

文木賦

魯恭王得文木一枚伐以為器意甚玩之中山王為賦

恭王大悅顧盼而笑賜駿馬二匹

見葛洪西京雜記按史魯恭王餘漢景帝

子好治宮室中山王勝乃其弟也

麗木離披生彼高崖拂天河而布葉

橫日路而擢枝幼離羸駸單雄寡雌紛紜翔集嘈噉鳴

啼載重雪而梢勁風將等歲於二儀

二儀乾坤也言木歷歲滋久異於衆

林

巧匠不識王子見知乃命班爾載斧伐斯

班爾王爾古之巧匠

斯斫也詩斧以斯之

隱若天開豁如地裂花葉分披條枝摧折既

剝既刊見其文章或如龍盤虎踞復似鸞集鳳翔青網

紫綬環壁珪璋重山累嶂連波疊浪奔電屯雲薄霧濃

雲麕宗驥旅雞族雉羣蠋繡鴛錦蓮藻艾文

皆言木之文奇怪狀

類色比金而有裕質參玉而無分

木材堅實

裁為用器曲直

舒卷脩竹映池高松植嶽

枝幹巨細長短曲直隨所用各有所宜

制為樂

器婉轉蟠紆鳳將九子龍導五駒

伶倫制十二箏以應鳳鳴丘仲截竹吹之

象水中龍吟將子導駒言聲音煩雜自然清亮

制為屏風鬱第穹隆制為杖几

極麗窮美制為枕案文章璀璨彪炳渙汗製為盤盂采玩蚺躡猗歟君子其樂只且

司馬相如

字長卿蜀郡成都人前漢書有傳

美人賦

美人者相如自謂也詩人騷客所稱美人蓋以才德為美相如乃托其容體之

都冶以自媚於世鄙矣

司馬相如美麗閑都

本傳雍容閑雅甚都詩洵美且都

遊於梁王

梁孝王武

也相如為郎會景帝不好詞賦孝王來朝齊人鄒陽淮陰枚乘之徒相如見而悅之因病免客遊梁按文多王

字梁王悅之鄒陽諧之於王曰相如美則美矣然服色

容冶妖

一作妓

麗不忠將欲媚詞取悅遊王後宮王不察

之乎王問相如曰子好色乎相如曰臣不好色也王曰

子不好色何若孔墨乎

仲尼墨翟古之大聖賢故舉以為問

相如曰古之

避色孔墨之徒聞齊饋女而遐逝

齊人饋女樂孔子行

望朝歌而

迴車

邑名朝歌墨子回車

譬於防火水中避溺山隅此乃未見其

可欲

老子不見欲使心不亂

何以明不好色乎若臣者少長西土

相如臨邛西蜀也鰥處獨居室宇遼廓莫與為娛臣之東鄰有

一女子雲髮豐艷蛾眉皓齒詩鬢髮如雲又螭首蛾眉齒如瓠犀顏盛色

茂景曙光起恒翹翹而西一作相顧欲留臣而共止登垣

而望臣三年于茲矣臣棄而不許竊慕大王之高義命

駕東來一作而東途出鄭衛道由桑中朝發溱洧暮宿上宮

溱洧二水桑中上宮皆一作上離宮閒館寂寞雲虛門閤

一作書掩暖一作若神居臣排其戶而造其堂一作芳

香芬烈黼帳高張有女獨處婉然在牀竒葩逸麗淑一作

素質艷光靚臣遷延微笑而言曰上客何國之公子所

從來無乃遠乎遂設旨酒進鳴琴臣遂撫絃為幽蘭白

雪之曲解見女乃歌曰獨處室兮廓無依思佳人兮情

傷悲思所偶也詩有美人兮來何遲日既暮兮華色衰

敢託身兮長自私玉釵挂臣冠羅袖拂臣衣時日西夕

玄陰晦冥流風慘冽素雪飄零閒房寂謐不聞人聲於

是寢具既設服玩珍竒金釵薰香錕音匝香毳衽席間

長安巧工丁緩作被中香爐為蒲帳低垂褥重陳角

棧環轉運四周而爐體常平

枕橫施

詩角枕繁兮錦衾爛兮

女乃弛其上服表其褻衣皓體呈

露弱骨豐肌時來親臣柔滑如脂臣乃氣服

一作脉定

於內

心正于懷信誓且旦秉志不回飏然高舉與彼長辭

西京

雜記云文君眉色如望遠山臉際常若芙蓉肌膚如脂長卿素有消渴疾作美人賦欲自刺卒以此疾死文君為誄傳於世慾心一熾莫克自劑至於隳行喪軀可不戒哉

班婕妤

擣素賦

班婕妤班彪之姑也為成帝婕妤漢後宮十四等婕妤視上卿三夫人之位也

古者后夫人親蠶分繭繅絲朱綠之玄黃之以備君之祭服君服之以事天地祖宗敬之至也

成帝耽於酒色政事廢弛婕妤
貞靜而失職故托擣素以見意

測平分以知歲

陰陽平分以知時序

酌玉衡之初臨

玉衡斗柄以正四時八月

指見禽華以鹿色聽霜鶴之傳音

禽華菊也季秋之月鴻鴈來賓後菊有黃

華又有一種花名鴈來紅狀類雞冠秋深時莖葉俱紅霜降則鶴聲清鹿悲驕反數也

佇風軒而

結睇對愁雲之浮沈雖松梧之貞脆豈榮彫其異心

秋

景色淒清物性雖不同其感時則一也

若乃廣儲懸月

儲猶除謂庭除之間

暉水流

清桂露朝滿涼衿夕輕燕姜含蘭而未吐

姬姜本齊魯之姓後世以

為婦人美號或互稱之

趙女抽簧而絕聲

聲音未暇有事女工

改容飾而相

命卷霜帛而下庭曳羅裙之綺靡振珠珮之精明若乃

盼睐生姿動容多致弱態含羞妖風靡麗皎若明魄之

升崖煥若荷華之昭晰

明魄月也神女賦其少進也皎若明月舒其光荷華芙蓉也詩

隰有荷華不見子都晰音制

調鉛無以工其貌凝朱不能異其脣勝

雲霞之適日似桃李之向春紅黛相媚綺組流光笑笑

移妍步步生芳兩靨如點雙眉如張頰肌柔液音性閑

良

類謂驕怠液汗也

於是投香杵扣玳砧擇鸞聲爭鳳音梧因

一作松

虛而調遠柱由

一作石

貞而響沈

梧桐琴瑟之質柱鴈柱也以喻砧杵

散繁輕而浮捷節踈亮而清深

琴譜有散若廣陵散之類節曲之更端

含

笙摠筑比玉兼金不墮不箎匪瑟匪琴

八者皆樂音玉球磬金鐻鏡之

類

或旋環而紆鬱或相參而不雜或將往而中還或已

離而復合翔鴻為之徘徊落英為之颯沓調非常律聲

無定本

杵音自然非若琴瑟笙笛之有定也

任落手之參差從風颺之遠

近或連躍而更投或暫舒而長卷清寡鬱之命羣哀離

鶴之歸晚

擣素之聲低昂分合自中音調比孤鸞別鶴之曲尤更清哀也

於是時也鍾

期改聽伯牙弛琴

伯牙善鼓琴鍾子期善聽至此子期改聽伯牙之琴可廢

桑間絕

響濮上傳

一作音

淫蕩之聲可絕鬼神之音
可駕濮上事見史記樂書

蕭史編管

以擬吹周王調笙以象吟

蕭史秦繆公時人能吹簫作
鳳鳴王子晋吹笙和之與乘

驚而游

若乃窈窕姝妙之年幽閑貞專

一作靜專

之性符皎日

之心

大車詩謂予不信有如皎日

甘首疾之病

伯兮詩願言思伯甘心首疾伯君子字也

歌采綠之章

采綠詩刺怨曠言君子于
從久而不歸室人思之

發東山之詠

東山

詩言室家之望汝其詩曰制彼裳衣勿士行枚

望明月而撫心對秋風而掩鏡

婦人夫不在則不容飾

閱絞練之初成擇玄黃之妙匹

一作逸閱素練之質

擇顏色所宜而染之

準華裁於昔時疑形異於今日

欲準昔日所裁以製衣裳

則疑其形體有肥瘠言久別也謝惠連持衣詩膏帶準疇昔不知今是非想嬌奢之或至許

椒蘭之多術薰陋製之無韻慮蛾眉之為愧思其或至於驕侈以

椒蘭芬香之物多術以薰之猶恐其無韻態侍側之蛾眉或以為愧懷百憂之盈抱空千

里兮飲淚修長袖於妍袂綴半月於蘭襟表纖手於微

縫庶見跡而知心袂亦襟也袖猶言就袂猶言未綴半月望其圓也以此表其親手所製庶

君子見而知心計脩路之遐夙恐芳菲之易泄一作絕書既封而

重題笥已緘而更結笥貯衣裳也慙行客而無言還空房而

掩咽欲寄行客以達此心復以為嫌而不敢可謂發乎情止乎禮義矣

曹大家

班姓名昭班孟堅女弟適曹氏和帝數召入宮令皇后諸貴人師事焉號曰大家見後漢

列女

傳

鍼縷賦

鎔秋金之剛精形微妙而直端性通遠而漸進博庶物而一貫惟鍼縷之列迹信廣博而無原退逶迤以補過

似素絲之羔羊

羔羊詩羔羊之縫素絲五總委蛇委蛇退食自公

何斗筭之足

算咸勒石而升堂

筭竹器言斗筭成石鍼縷成衣皆由積累論語斗筭之人何足算也淮南

子升之不能大於石也升在石之中先針而後縷可以成帷先縷而後針不可以成衣針成幕縷成城事之成

敗必由小生
言有漸也

古文苑卷三

欽定四庫全書

古文苑卷四

宋章樵註

賦

揚雄

漢書揚雄字子雲以為詞莫麗於相如作四賦本傳所載甘泉河東長楊羽獵四賦是也藝文

志雜賦類又有雄賦十二篇下三賦蓋在十二篇中

太玄賦

子雲以為經莫深於易故作太玄以擬之言其理微妙極於幽玄也此賦推太

玄之理以葆性命之貞西京雜記云揚雄作太玄夢白鳳凰集其上

觀大易之損益兮

易有損益二卦說卦云損益盛衰之始也覽老氏之倚伏老子

經福兮禍所伏賈誼鵩賦憂
禍兮福所倚喜聚門吉凶
省憂喜之共門兮察吉凶之同域

同域省亦察也 噉噉著乎明月兮何俗聖之暗燭世俗昧此理惟
聖見之甚明 豈悞

一作 寵以冒灾兮將噬臍之不及若飄風不終朝兮驟雨不終

日老子 雷隆隆一作 而輒息兮火猶音 熾而速滅自夫物有

盛衰兮況人事之所極奚貪婪於富貴兮迄喪躬而危族雄

解嘲云炎炎者滅隆隆者絕觀雷觀火為盈為實天収其聲
地藏其熱高明之家鬼瞰其室攫拏者亡默默者存位極者

宗危自守者身全是故 豐盈禍所棲兮名譽怨所集薰以芳

而致燒兮膏含肥而見熇漢書龔勝傳薰以香自燒膏
以明自銷熇與薰同而悅反 翠羽

嫩而殃身兮蚌含珠而擘裂

因物以譬人
嫩古美字

聖作典

一作禮

以濟時兮驅蒸民而入甲

一作用入甲謂
納諸法令之中

張仁義以為

綱兮懷忠貞以矯俗指尊選以誘世兮疾身沒而名滅

以爵祿尊選誘天下故世俗貪名

豈若師由聘兮執玄靜於中谷

由許由聘

老子也老氏貴玄靜以自處虛下為谷其書所謂谷神不死為天下谷是也

納僂祿於江淮

兮二神仙江淮其得道處僂於乾反又音偃

揖松喬於華岳

赤松子王喬亦神仙常往來華

岳漢武帝起集靈宮於華山下冀以招之

升崑崙以散髮兮踞弱水以濯足

崑崙山河源所出在西羌中弱水在流沙之西

朝發軔於流沙兮夕翺翔乎碣

石流沙在敦煌西忽萬里而一頓兮過列仙以託宿役

青要與承戈一作兮青要承戈所謂王舞馮夷以作樂

馮夷河伯之字聽素女之清聲兮素女黃帝時人觀宓妃之妙

曲宓妃洛水之神茹芝英以禦餓兮飲玉醴以解渴排

閭闔以窺天庭兮騎騏驎以踟躕閭闔天門騏驎即八駿中赤驥也載

羨門與儷游兮碣石上仙人羨門高儷偕也永覽周乎八極亂曰甘

餌含毒難數嘗兮傳曰厚味腊毒數色角反麟而可羈近犬羊兮賈誼

賦使麒麟可係而羈豎鳳高翔戾青雲兮不掛網羅固

兮豈云異夫犬羊

足珮兮

戾至也詩鳶飛戾天漢書不絰聖人之網絰與掛同斯錯位極離大戮兮

李斯鼂錯位至三公卒受誅戮離與罹同

屈子慕清葬魚腹兮

屈原曰舉世皆濁我獨清

寧赴湘流葬於江魚之腹中遂自沈汨羅

伯姬曜名焚厥身兮

宋伯姬遇火待傅姆不至

為火所焚孤竹二子餓首山兮

夷齊高節餓死首陽斷跡屬婁何

足稱兮

伍子胥忠謀吳王賜之屬婁之劍自剄而死婁史記作鏤錄于反

辟斯數子智

若淵兮

辟讀作譬數子智如淵深終不得其死

我異於此執太玄兮蕩然

肆志不拘攣兮

逐貧賦

子雲自序云不汲汲於富貴不戚戚於貧賤家產不過十金乏無儋石之儲晏

如也此賦以
文為戲耳

揚子遁世離俗獨處左隣崇山右接曠野鄰垣乞兒終
貧且窶禮薄義弊相與羣聚惆悵失志呼貧與語汝在
六極書洪範六
極二曰貧投棄荒遐好為庸卒刑戮是加匪惟幼
稚嬉戲土砂居非近隣接屋連家恩輕毛羽義薄輕羅
進不由德退不受呵以為滯客其意謂何人皆文繡余
禍不完人皆稻粱我獨藜藿貧無寶玩何以接歡宗室
之燕為樂不繫徒行負債一作
笈出處易衣身服百役手

足胼胝或耘或耔露體霑肌朋友道絕進官凌遲厥咎
安在職汝為之舍爾遠竄崑崙之顛爾復我隨翰飛戾
天舍爾登山巖穴隱藏爾復我隨陟彼高岡捨爾入海
汎彼栢舟爾復我隨載沉載浮我行爾動我靜爾休豈
無他人從我何求今汝去矣勿復久留貧曰唯唯主人

見遂多言益嗤

貧謙詞以對

心有所懷願得盡詞昔我乃祖

宣其明德

身心潔白不事曖昧

克位帝堯誓為典則土階茅茨匪

彫匪飾

堯以儉示天下土階三尺茅茨不剪采椽不斲

爰及世季縱其昏惑饗

餐之羣貪富苟得

左傳縉雲氏有不才子貪于飲食胃于貨賄天下謂之饕餮羣言其多貪

鄙我先人乃傲乃驕瑤臺瓊榭室屋崇高流酒為池積

肉為峭

桀紂為瑤臺瓊室鉅橋鹿臺酒池肉林峭山名

是用鵠逝不踐其朝

言貧

後世貪驕貧乃遠遁如鴻鵠之高舉劉向新序田饒謂魯哀公曰臣將去君而鴻鵠舉矣

三省吾身

謂予無讟處君之家福祿如山忘我大德思我小怨堪

寒能耐

讀作耐

暑少而習焉寒暑不忒等壽神仙桀跖不顧

貪類不干

跖盜跖也富則桀跖垂涎貧則貪類不顧

人皆重蔽

富盛者周護以防寇盜

子獨露居人皆怵惕子獨無虞

既壽而安所謂福祿如山也

言詞既

罄色厲目張攝齊而興降階下堂誓將去汝適彼首陽

孤竹二子與我連行

貧之理直故色厲目張翩然而去將與夷齊游行呼即反伍也余

乃避席辭謝不直請不貳過聞義則服長與汝居終無
獸極貧遂不去與我遊息

蜀都賦

周書牧誓及庸蜀羗髻微盧彭濮人孔安國注羗在西蜀叟髻微在巴蜀盧彭

在西北庸濮在江漢之南揚雄蜀王紀秦惠王滅蜀使張若與張儀築成都城按蜀即漢之蜀郡也成都又為三蜀之都故稱蜀都

蜀都之地古曰梁州

禹貢華陽黑水惟梁州至武帝元封五年改梁州為益州蜀郡隸焉

按唐虞時州各有牧梁修貢賦或謂秦時蜀始通中國其說似非禹治其江滄臯彌望

禹道江以除水害自岷山始滄水所豬也臯水際隄岸也鬱乎青葱沃壅千里諸葛亮說

先主曰益州險塞沃野千里壅古野字上稽乾度則井絡儲精河圖括地象曰岷山

之地上為井絡帝以會昌精神以建福言東井主蜀分野岷山上應天象其精儲為井星之維絡下按地

紀則川宮奠位易說卦註坤西南方之卦也又曰天地定位蜀居地之西南故於九宮為坤宮

川古坤字奠定也東有巴賓綿亘百濮山海經云西南有巴國春秋時巴師侵郫其地

在漢為巴郡應邵風俗通曰巴有賓人剽勇高祖為漢王時募取以定三秦賓音棕古國名始祖巴氏子其後

子孫布列巴中地為黔中郡百濮夷名即書所謂濮人百言族類之多左傳文十六年百濮離居各欲走其邑

銅梁金堂

銅梁山在宕渠縣金堂山在新都縣水通巴漢

火井龍湫

張華博物志臨邛火

井昔時人以竹木投取火諸葛丞相往視之後火轉盛熱湫潭也巴東有澤人謂神龍宅其中左思蜀都賦潛

龍蟠於

其中則有玉石簪岑

其中總言蜀地之內所有禹貢梁州厥貢璆鐵砮磬

沮澤

璆美玉砮矢鏃磬樂器皆石之精堅者簪士林反岑音吟簪岑高峻貌言玉石所產如山

丹青玲瓏

丹丹砂青碧石擣汰之得青綠畫家用之李斯上書西

蜀丹青又本草有曾青空青並出越雋丹沙出符陵山

後漢郡國志涪陵出丹

是也玲瓏層出之狀

叩節桃枝叩地有竹中實而高節桃枝竹八角皆可

作杖武帝因叩

石鱗水螭

鱗魚名李奇上林賦注周洛曰鮪蜀曰鮪鱗石鱗猶石

燕石蟹之類鮪音恒鱗音魯又並去聲說文曰螭山神獸形水螭水中怪獸蜀守李冰嘗沈石犀以禦水怪

南則有犍牂潜夷昆明峩眉絕限岷塘堪巖曹翔

犍居言反

牂音藏犍為本夜郎故地牂柯江亦屬夜郎漢武帝遣唐蒙等通巴蜀置犍為牂柯二郎潜夷潜上之夷禹貢

沱潜既道和夷底績昆明亦夷也見漢書西南夷傳峩眉山在犍為郡南安縣西兩山相對狀如蛾眉其山高

峻絕限疆域岷塘山俗訛為螳螂山在朱提縣西南堪巖言山形之窈深翻翔言山勢之飛舞岷塘音郎堂堪

與歇同曹即翻字許延反飛也朱提音殊匙靈山揭其右離碓被其東

靈關山在

成都西南漢壽界離碓江沱間堆阜名史記秦蜀守李冰鑿離碓避沫水之害碓古堆字於近則有

瑕英茵芝玉石江珠

皆石之比珠王者茵芝石芝也華陽國志有光珠穴博物志曰光珠

即江珠也又琥珀一名江珠於遠則有銀鉛錫碧馬犀象麋

郡國志漢中郡

錫縣有錫益州律高石室山出錫監町山出銀鉛越雋
郡注東山出碧亦玉類有元馬祠民牧馬山下或產駿

駒云元馬子也雙道有雙人
山海經岷山其下多犀象
西有鹽泉鐵冶橋林銅陵

鹽泉鹽井也鐵冶銅陵產銅鐵處漢書貨殖傳卓氏公
擅山川銅鐵上爭王者之利左思賦家有鹽泉之井戶

有橋袖
邛連盧池澹漫波淪
邛即邛字西南夷傳邛都
縣有邛池南人以為邛河

注邛河縱廣二十里深百餘丈汶山郡西有北地盧水
胡連言地勢聯屬盧池黑水也禹貢注梁州西距黑水

其旁則有期牛兕旄
郭璞山海經注蜀山中有大牛肉
重數千斤名曰夔牛期夔聲相近

兕如水牛角在額上古人以為
爵謂之兕觥旄牛尾可為塵
金馬碧鷄
後漢西南夷
傳越雋郡青

蛉縣禺同山有碧雞金馬光景時出見注金北有岷山
形似馬碧形似雞漢宣帝嘗使王褒祠其神

江源所出外羗白馬羗名氏類也獸則麋羊說文山羊而大者細角胡羗反

野麋說文鹿屬罷犂音疲狸上林賦注犂牛色黑出西南徼外罷犂獸書如虎如罷貌

獠音啗湍說文作獠似熊而黃黑齧音出蜀中廣韻獠似豕而肥齧麋音預餘說文似鹿而大鹿

麋鹿之有香者戶豹郭璞方言注昉文米能黃說文能獸名堅中而彊壯

奴登反左傳鯨死其獬胡音讒乎上林賦注雖獾上林神化為黃能奴來反似獬猴頭上有髦

堆注雌羊水反如母猴印狡蝟音壘蝟鼯鼠也獾鼻而長尾獾似獾猴而大狀如兔而鼠尾

上林賦作猶穀音谷說文猶獾屬穀似牂羊畢方山海經有

鳥一足赤文青質而白喙名曰畢方淮南子木生畢方注木之精也狀如鳥青色赤脚豈獸類邪

爾乃

蒼山隱天峒汾嶺吟迴叢增嶰鋤御反重岑岫也含石

藏藏崔推狡狡甍進罪罪岷隄霜雪終夏叩巖嶺嶺嶙蒼

之山其高隱天重陰洞寒冰雪長夏不融叩之巖崔其聲嶺嶙然南中志曰雲南縣西高山相連洞陰返寒雖

五月盛夏不熱廣志崇隆臨柴猶精聚也柴音漬諸微岷岷五

曰五月霜雪皓然微占弔反所以巡防諸羗其處非一岷岷音埵

為南安業不齊貌五岷山名一山而五重在越嵩當隄岷山岷水所出

壁玉在成都西北隄隄交倚唯岷岷崎集嶮脇施形精

觀上龍陽皆山名堪即岷字與岷同岷音彭門嶋岫都安

出偈堪嶠隱倚撐皆衆山奇怪之形

兩山相對立如闕號刑戶亞峇魚蹇渴岫方陂碑池

彭門嶋岫音箕籠上林賦陂池舞豸輶軋軋伽輶藓輶苦葛反礫乎岳岳

注旁顏相連貌輶輶胡買反礫乎岳岳

總言衆山森列北屬崑崙泰極涌泉醴凝水流津漉集

争高峻之貌成川屬聯謂蜀自岷山而北聯屬崑崙山崑崙在西域

之源出於北東注蒲昌海疑注為大澤廣袤三百里箕

水亭居冬夏不增減潛行地下南出於積石為中國河

源謂滲漉流行集於是乎則左沉犁右羌庭漢武帝時

謂會合衆流也沈犁郡右諸漆水淳其匈都江漂其涇漆恐當作沫音

羌猶未屬漢出蜀西塞外東南入江淳其匈謂涌其前也漆水名水

出岐山屬雍州都江本沱水東流過成都謂之都江水

涇水際也詩鳧
鷺在涇與此同

乃溢乎通溝洪濤溶洗千澗萬谷合流

逆折泌

筆柳滌

乎爭降湖漕

與溱同音

排碣反波逆瀛

水暴至聲

礫石冽巘紛苒周溥旋溺寃綏頽慚

水觸石抵山則波濤洶洶舟行人覆

溺而死者寃綏頽而墜者慚

博岸敵呬裨瀨磴巖檜

浬汾汾忽溶闔

湯沛踰窘出限連混陁隧

陁隧猶限域也

鉉釘鍾涌聲謹薄泮

碑

龍音磬歷豐隆潛延雷扶電擊鴻

開也康溢

磧遠遠乎

長喻馳山下卒

若士卒之衆馳山而下言迅疾也

湍降疾流分川並注

合乎江州

江州縣名在巴部衆水至此而會合

於木則榎

鼻縣反

櫟歷豫章

巨樹榜彭又去聲檣慮櫛間之善反郭璞山海經注桺果香青

稚雕梓粉梧姜木中樞歷斯由柔楸木木稷即似松

枒魚嫁弋信揖叢俊幹湊集枇疾貲反無擠相藉反枋

反吉穴楊竭札軋沈達郎五椅於宜反從風推參循崖

撮撮即撮字接奴委切相摩擊也涇淫溶繽紛幼靡幼讀作窈窕汎

閔野望芒芒菲言眾木其竹則鍾龍茶篁野篠紛毫

戴凱之竹譜曰籠鐘竹名伶倫吹以為律茶刀叶反篁音謹皮白如霜大者宜為篋條出魯鄆山堪為笙宋玉

笛賦見奇宗生族攢俊茂豐美洪溶忿葦紛揚搔翕輿

篠異幹

風披夾江緣山尋卒而起結根才業填衍迫野若此者

方乎數十百里

方數十里以至百里蓋成言竹之富

於記

淺水蕩也

則汪汪漾

漾積土崇隄其淺濕則生蒼葭蔣蒲藿茅青蘋草葉蓮

藕朱華菱根

蔣菰也藿茅根有實如小粟可食草葉藻也蘋藻以供祭祀之用朱華芙蓉也其實

蓮其根藕菱根可為菜茹

其中則有翡翠鴛鴦鳧鷖鸕鷀鷺

皆水鳥也 霍鷓

音昆

鷓鷃

音宿霜長尾鵲色形似鴈

其深則有獬獠

淮南子畜也魚者必去獬獠獠

水居食

沈鱣

音善說文皮可為鼓

水豹

水獸狀似豹

蛟蛇

龍類蛇形西京賦憚蛟蛇

檻水

龜鱉鼈龜衆鱗鱗鱖

選墮言其衆多猶雜選也

爾乃其都門二

九四百餘里

秦惠王二十七年使張若張儀築成都城漢武帝元鼎二年立成都十八門閭坊巷

門也按成都志大城九門小城九門唯咸門朔門秦漢舊名公孫述傳臧宮軍至咸門注云成都北面二門其

西者曰咸門是也

兩江珥其市

史記李冰穿二江成都中皆可行舟名曰兩江其實穿二渠引

江水以壯形勢且以溉田耳珥言江水旁貫其市貂蟬付耳虹蜺抱日俱曰珥

九橋帶其流

華陽

國志李冰造七橋上應七星光武遣吳漢征公孫述戒曰置兵當在七星間謂此也李膺益州記七星橋一曰

長星二曰員星三曰畿星四曰夷星五曰尾星六曰冲星七曰曲星後漢公孫述傳注市橋即七星之一橋也

益州記曰冲星橋舊市橋又有龜化橋初張儀築城有大龜尊之以築至東子城東南隅而斃因以名橋其他

不可復攷帶言九橋跨江如帶之束

武僖鎮都刻削成歛

武僖山在成都西北為都之鎮

舊記言蜀王開明造五十力士負土成之歛音廡又音歛草木叢蔓也

王基既夷蜀侯尚

叢

揚雄蜀王紀曰蜀王之先名蠶叢狗護漁鳧蒲澤開明至秦惠王討城蜀封公子通為蜀侯賦言蜀都之

王基業既平蜀侯通始封可配蠶叢之王尚配也

并石石屏岍岑倚從

西南夷傳汶山

郡衆邑皆依山居上累石為室高者至十餘丈為邛籠先蜀記云蠶叢始居岷山石室中解古犀字與棲同岍渠希反山傍石秦漢之徙元以山東成都由秦漢而徙也從讀作縱

其始基在山之東謂蠶叢望是以隕山厥饒水貢其獲帝皆治郫城在岷山之陽也

苴竹浮流龜磧

苴麻也水運則蔽流積於水次則龜磧言麻竹之多竹石蝎相救

上文已有竹不應再舉竹石疑是合為若字杜若香草蝎螫虫二者藥材柔猛之性相濟舉細微以見百物富

羨魚酌不取

魚酌皆取也。取力救反。掩藏也。易井。取勿。畢言山川所產。惟人所取。未嘗有靳。鶩

鵠鷓鴣風胎雨鷺

鶩音餘。鳥與鼠同穴。鷓音侯。鷓音皇。莊子音渠。鷓鴣也。穴土而生。鷓音皇。莊子

白鷓相視而風化。注不待合而生。子鷺苦豆反。鳥子欲出者也。言品類不同。

衆物駭目單不

知所禦

言山川所產之富。單與殫同。盡也。

爾乃其裸

字亦作蘇。果蘇也。史記貨殖傳作果。

隋

羅諸圃啟緣畛

段音匡。圃之四圍也。果才繁盛。四圍之畛域。

黃甘

柑橘屬。廣志曰。

有成都平蒂柑。大如升。諸柘。甘色蒼黃。捷為南安縣出。

柿桃杏李

二果。桃如柿。李如杏。柘

杷杜楨

杷同。栗。榛。棠。梨。離。支。

甘棠。梨即召南所詠者。離支。荔支也。南中八郡志曰。捷為

雙道縣

雜以挺橙

柚屬。被以櫻梅樹。以木蘭。大樹。葉侶長。生實如小柿。

甘扶林禽燭般關林禽來禽也扶謂駢生其實相扶般

美關美梨也廣志曰關以西梨多供禦

燭光采貌旁支何若英絡其間言果木繁多支與春机楊柳

裹弱蟬抄扶施連卷机音几玉篇木出蜀中裹音嫺蟬抄音揮爰相率引也卷音拳

貍蟾蜍子鷗呼焉皆禽蟲名貍音巨奚方言齊謂之蟻蟻楚謂之螻蛄又郭璞注胡蟬江

南呼蟾蜍音夷鷗呼圭反即子規也一爾乃五穀馮戎

馮戎富盛也瓜甃饒多卉以部麻卉古草字一作艸往往薑

梔史記貨殖傳巴蜀地饒附子巨蒜附子温藥蒜木艾

椒籬藹醬醪清藹醬枸榘醬衆獻儲斯盛冬育荀舊菜

增加荀今作筍竹萌也伽今作茄隆
冬時筍已生茄子冬月尚多
百華投春隆隱芬

芳蔓若熒郁翠紫青黃麗靡螭燭若揮錦布繡望芒兮

無幅

班固西都賦曄曄猗猗若摛錦與布繡燭耀乎其
坡言草木繁盛如舒布錦繡望之芒芒然曾無邊

幅舊本作望芒芒子於無鹽或曰言其日富若無爾乃
鹽氏之貸子錢恐失之鑿今從藝文類聚螭摛同

其人自造奇錦統緹縲縵緣緣盧中發文揚采轉代無

窮

統巨周反緹息絹反索絲織也縲音斐縵音縵緣所
街反縲絳色也絳色緣其外盧黑色居中發揚文采

蜀錦名件不一此其尤奇
其布則細都弱折皆布名西
故轉於世間無有窮已南夷傳有

帛疊蘭干細布又有綿繭成衽繭布江南人謂阿麗織
梧桐木華績以為布之生子衽緝也

靡避晏與陰

無雲而陰曰晏

蜘蛛作絲不可見風

極言其精細

簞中

黃潤一端數金

黃潤簞中細布也司馬相如凡將篇黃潤織美宜制禪漢時黃金一斤為一金雕鏤

鈎器百伎千工

舊本脫下五字程大昌演蕃露云揚雄蜀都賦雕鏤鈎器百伎千工今添入雕

鏤謂篆刻為文後漢皇后紀蜀漢鈎品注以金銀緣器曰鈎音口皆極工伎之精

東西鱗集南

北並湊馳逐相逢周流往來方轅齊轂隱軫幽鞅埃教

塵拂萬端異類崇戎總濃般旋闌齊啗楚而喉不感槩

蜀物豐羨負販者多齊楚之人運至都市喧嘩而爭售之萬物更湊四時迭代彼不

折貨我罔之械

械猶禁也

財用饒贍蓄積備具

以上言貨物既富懋遷儲

積之

若夫慈孫孝子宗厥祖禰

考廟曰禰宗有繼祖者有繼禰者

鬼神

祭祀練時選日瀝豫齊戒龍明衣

龍假借作襲襲重也齊則沐浴更明衣以

表精潔論語齊必有明衣布

表玄穀

黑黍也所以釀酒

儷吉日

儷偶也祭祀用柔日異

清濁

周禮司尊彝注醴齊尤濁和以清酒合踈明綏離旅
猶言踈輯衆寡管子昭穆之離注離謂次位之別

也春秋二國會曰離禮記衆賓酬主人曰旅乃使有伊

之徒

伊尹負鼎俎以干湯蓋俗說也學如子雲未能免俗

調夫五味甘甜之和勺

藥之羹

勺藥和齊羹羹子虛賦勺藥之和具而後御之王充論衡鹹若酸淡不應口者猶人勺藥失其

和也 江東鮫鮑隴西牛羊

物以地而美者鮫鮑皆魚名說文鮫海魚也

糶米肥

猪 雜與滌通用禮曰牲必在滌又肥牛注肥養於滌也
滌者養牲之宮滌米言養之以米所以滌其穢脂豕

也 麇 麇不行 麇之惟切麇音几弋 獵所供無行販者 鴻 獠 獠乳 名獠皆獸

者 擅 貴 獨竹 孤 鶴 竹屬通用屬玉鶴皆水 鳥名不牝牡則味全 炮 鴉 莊子見

初生 彈而求 被 紕 之 胎 紕與紕通用豹屬也 枚乘七發 豢豹之胎 山 膚 膺 腦 水 遊

之 腴 山獸以髓腦為珍水族以腹腴為美漢 書郊祀志先鬻鶴醢醢膺並古髓字 蜂 豚 應 鴈

被 鷓 晨 鳧 蜂封古字通用封大也封大之豚應候之鴈 被鷓即斥鷃晨飛之鳧皆味之美者也說苑

魏文侯 嗜晨鳧 戮 鷓 初 乳 戮與麓通 山 竊 既 交 春 羔 秋 鮑 時而

美者鮑力久反 膾 鮫 龜 肴 鮫魚名細薄切之曰膾熟 肉連骨曰肴蒸之令龜拆 抗

穴 蟲 類 鼠 而 大 膾 鮫 龜 肴 肉連骨曰肴蒸之令龜拆 抗

田孺驚形不及勞

驚必列反雉屬羽可為冕孺初乳也食於秬田未能飛故不勞而肥五

肉七菜豚厭腥臊

五肉牛羊鷄犬豕以七菜蔥韭之屬藿之所以蒙厭其腥臊荆楚歲時記

人日以七種菜為羹

可以練神養血腫者莫不畢陳

腫合作脾腸問脂膏也以

上言玃羞之備

爾乃其俗迎春送暑百金之家千金之公

言中產之

家貴重之人莫不畢出遊遨

乾池泄澳觀魚于江

左傳矢魚于棠而觀之猶今之叉魚

若其吉日嘉會期於倍春之陰迎夏之陽侯羅司馬郭

范晶揚

七族漢時蜀都著姓

置酒乎榮川之閒宅

蜀亦謂之川如司馬相如嚴君

平舊宅皆在成都今其遺址盡為緇黃之舍

設坐乎華都之高堂延帷揚幕

接帳連岡

帷幕施於堂室帳設於空曠之衆器雕琢早地漢書張飲三日注張帷帳也

刻將星

雕琢玉石器也染刻縣木器也早假借作藻采繪也將星璀璨華美貌

朱綠之畫

邠盼麗光龍蛇窰錯其中禽獸奇偉髦山林

皆言畫也窰於

元反窰奇員反龍地屈伸狀髦去聲猶髦也謂四散山林之間

昔天地降生杜廓密促

之君則荆上亡尸之相

蜀王本紀曰朱提有男子杜宇從天而降自稱望帝蜀人尊為

主杜廓即杜宇望帝姓名也廓音戶按蜀紀上古時蜀之君長治國久長後皆仙去自望帝以來傳授始密又云望帝治汶山下邑曰埤荆人鬻靈死其尸亡隨江逆流而上至埤而生望帝以為相委國授之厥女作歌
成都古今記蜀王尚納玉丁之妹為妃不習水土欲出王固留之為作東平之歌無樂物故王悲悼

不已乃作史斜之歌 是以其聲呼吟靖領激啣喝啾戶

就歸之曲而哀之 音六成行夏低徊 戶讀若漢漢者湯之樂六成猶六變也 行夏亦樂章名周禮行以肆夏低

徊舒徐也言歌曲合商周 胥徒入冥 胥徒樂工之屬其歌聲妙入幽冥

及廟嗜吟諸連單情舞曲轉節跣駮應聲 望帝驚靈皆有廟在蜀都

士女出遊必謂其廟依昔日之歌曲寫之聲音播之舞節而獻於祠下連猶後世之曲所謂疊也跣音簫駮音

颺舞之遲疾皆 其佚則接芬錯芳檐祜織延 佚猶佻行列也方言

與歌聲相應 躑躅 躑謂之被襪謂之祜即衣襪 躑躅秋發陽春 躑躅秋陽春並曲名躑以足踏地而歌字本作躑

丑犯切西京雜記戚夫人侍兒賈佩蘭說在宮時常以十月十五日入靈女廟以豚黍樂神吹笛擊筑歌上靈

之曲既而相與羅儒吟吳公連羅儒吳公皆善謳吟者後人多倣其音劉向別

錄漢興以來善雅歌者魯人虞公發聲清哀蓋動梁塵連臂踏地為節

虞吳漢人多通用崔豹古今注曰陌上桑秦氏女羅敷歸羅敷不從作是曲以明意儒讀作孺眺朱顏離絳脣

眇眇之態叱噉出焉言歌聲抑揚之妙若其遊急魚弋郤公之

徒郤却戟反郤公蜀之豪富人左思賦王孫之屬郤公之倫王孫卓王孫也相與如平陽

頰巨沼如往也平陽猶平野頰疑是頰字與俯同一本作頰字羅車百乘期會投

宿觀者方隄行船競逐偃行撇曳締索恍惚羅畏彌澥

蔓蔓沕沕遨遊既倦日云暮矣期於託宿車馬同回舟楫奔走觀者並隄人物併雜龍睢睪

今龍讀如籠筌笱之類竹器以取魚也睢許維反啣音霍驚視貌

也所反枚孤施兮孤即罪字舟上網也織繳出繳以絲繫矢而弋音

灼驚鳩落兮高雄慶翔鷗柱兮奔紫畢俎飛膾沈單然

後別猶旋取魚禽以供俎鱠至暮飛沈不可復取而後已



古文苑卷四